

Kommuneqarfik  
Sermersooq  
Kukkunersiuissut nalu-  
naarutaat 2021

# Imarisai

|    |                                                                            |    |
|----|----------------------------------------------------------------------------|----|
| 1. | Ukiumoortumik naatsorsuutit                                                | 1  |
| 2. | Kukkunersiuinerup ingerlanneqartup inernera                                | 2  |
| 3. | Aningaasaqarnermik kukkunersiuneq                                          | 16 |
| 4. | Inatsisit atuutsinneqarnerannik kukkunersiuneq                             | 25 |
| 5. | Ingerlatsinermik kukkunersiuneq                                            | 36 |
| 6. | Ingerlatsinermik kukkunersiuilluni misissuinerit angisuut                  | 39 |
| 7. | Immikkoortunik allanik kukkunersiuisutut suliat pillugit paasissutissiineq | 40 |
| 8. | Paasissutissat allat                                                       | 41 |
| 9. | Atsiornerit                                                                | 42 |

# 1. Ukiumoortumik naatsorsuutit

Aningaasaqarnermut Inuussutissariornermullu Ataatsimiititap 2021-mut ukiumoortumik naatsorsuutit Kommuneqarfik Sermersuumut tunngasut saqqummiuppai, kukkunersiorneqaqqullugit ulloq 31.05.2022 Kommunalbestyrelsimit nassiunneqartut.

Deloitte, avataani kukkunersuiusutut toqqarneqarsimasoq inatsisit, malittarisassat aamma ileqqussat atuuttut naapertorlugit ukiumoortumik naatsorsuutini kukkunersuiuinermik ingerlatsivoq.

Ukiumoortumik nalunaarutit uagut kukkunersiukkavut kisitsisinik pingaarnernik imaattunik ersersitsipput:

|                                                        | 2021 t.kr. | 2020 t.kr. |
|--------------------------------------------------------|------------|------------|
| Ingerlatsinermit angusat                               | -70.394    | -36.370    |
| Pigisat                                                | 2.284.923  | 2.284.975  |
| Nammineq aningaasaatit/Oqimaaqatigiissitsinermit konto | -2.077.617 | -2.006.759 |

- assigaa sinneqartoorutit aamma oqimaaqatigiissitsinermit konto pitsaasunik imalik

Kukkunersuiunerup siunertaa, annertussusia aamma ingerlanneqarnera, kukkunersuisup nalunaarutiginninnera kiisalu akisussaaffiit agguataarsimaneqarnerat assigisaallu Deloitte nittartagaani najoqqutaasut "Standardvilkår og betingelser (Atugassarititaasut nalinginnaasut aamma piumasaqaatit) allaaserineqarput. Takuuk [www.deloitte.dk](http://www.deloitte.dk).

## 2. Kukkunersiuinerup ingerlanneqartup inernera

### 2.1. Kukkunersiuusup uppersaanera

Kukkunersiuineq ingerlanneqartoq tunngavigalugu ukiumoortumik naatsorsuutit nangaassuteqarata uppersaaserpavut.

Ukiut siuliinisut kukkunersiuinerup paasinarsarneqarneranut nassuiaammik ilanngussivugut, matumani erseqqissaatigaarput missingersuutit kisitsisitaat naatsorsuutini ilanngunneqarsimasut kukkunersiuunnginnatsigik.

Ileqqorissaarnissaq naapertorlugu oqaatigineqassaaq, kisitsisit missingersuutini kisitsisinut assingunerat aamma aningaasaliissutit atukkallu nikingassutaat pillugit naatsorsuutit nassuiaataannik suliaqartoqarsimanera nakkutilliiffigigatsigu. Taamaattumik matumani taamaallaat pineqarpoq, missingersuuterpiaat uagutsinnit kukkunersiorneqannginnerat.

Kukkunersuisutut uppersaanitsinni ingerlatsinermik kukkunersiuinermut atasumik isornartorsutaasinnaasunik oqaaseqaateqanngilagut.

Kukkunersiuusut uppersaataat ukiumoortumik nalunaarusiami quppernemi 9-12 takuneqarsinnaavoq.

Soorlu qulaani atuarneqarsinnaasoq kommunip 2021-mi ukiumoortumik naatsorsuutai nangaassuteqarata uppersaaserpavut.

Tamanna isumaqarpoq, kommunip ukiumoortumik naatsorsuutai katillutik eqqortumik takutitsisut kommunip naatsorsuuserinermi periusai nappertorlugit – naatsorsuutinillu atuartup naatsorsuutini naliliineranut pingaarteqartutut killiussat aalajangersakkat iluanni saqqummiunneqarput.

Suli isumaqarpugut nakkutilliinermik ingerlatsineq, taassuma ataani uppersaaneq – aamma malitseqartitsisarnerit - kommunip angissusianut katitigaaneranullu naatsorsuutigineqarsinnaasutut tamatigut ingerlanneqarneq ajortut.

Soorlu immikkoortumi tulluuttumi takuneqarsinnaasoq, ukiuni siuliinisut suliassaqaarfiit ilaanni allaffissornermik ingerlatsineq suli pitsanngorsarneqarsinnaavoq.

### 2.2. Ukiumut kukkunersiuusut oqaaseqaataat

Inatsisit naapertorlugit kukkunersiuusut oqaaseqaataat saqqummiunneqassapput, kukkunersiuusut ukiumoortumik naatsorsuutini kukkunernik aamma/imaluunniit inatsisit naapertorlugit ilanngutinnigitsuukkanik naammattuugaqarsimappata.

Deloittemit kukkunersiuisutut oqaaseqaammik saqqummiussineq ileqqorineqarpoq, pissutsit aalajangersimasut tunngavigalugit politikkikkut iliuuseqartoqarnissaanik pisariaqartoqarnera nalileneqarpat – taakkununga ilanngullugit nakkutilliinermi amigaateqartoqarpat, ukiumoortumik naatso-rsuutini malunnaatilimmik kukkusoqarsimappat, inatsisit malittarisassallu naapertorlugit malun-naatilimmik amigaateqartoqarpat taamatullu pissutsinik allanik politikkikkut iliuuseqartoqarnissaanik piumasaqaateqartariaqarneq naliliinermut tunngaviuppat.

Ukiumik kukkunersiuiineq kukkunersiuisutut nutaanik oqaaseqaasiornissamut pissutissiingilaq.

## 2.3. Ukiut siuliini kukkunersiuisut oqaaseqaataannik malittarinninneq

2020-mut kukkunersiuisut nalunaarutaanni kukkunersiuisut oqaaseqaataasa allaffissornermit qulaajarneqarnerannik suliat malittarinerannik suliaqarpugut.

| Nr.     | Kukkunersiuisut oqaaseqaataat                                                                                   | Innersuut | Killiffik |
|---------|-----------------------------------------------------------------------------------------------------------------|-----------|-----------|
| 2013-3  | Atuisut akiliutaannik akiliisitsiniaanermi suleriaatsit allaa-serineqarnerat amigaataasooq                      | 2.3.1     | Ammavooq  |
| 2013-4  | Akissarsialerivimmi amigaatit                                                                                   | 2.3.2     | Ammavooq  |
| 2013-9  | Aqutsisut suliamut nakkutilliineranni amigaatit                                                                 | 2.3.3     | Ammavooq  |
| 2013-12 | Sanaartornermi naatsorsuutini il.il. saqqummiussineq                                                            | 2.3.4     | Ammavooq  |
| 2014-2  | IT-mik nakkutilliinerni nalinginnaasuni sanngueequtit aamma amigaatit                                           | 2.3.5     | Ammavooq  |
| 2018-03 | Pissat nalunaarsorneqarnerat pillugu qularinninneq                                                              | 2.3.6     | Matuvooq  |
| 2018-05 | Ingerlatsivinnut atassuteqarfigisanut pissaqaqatigiissutit naligiissinneranni amigaatit                         | 2.3.7     | Ammavooq  |
| 2018-06 | Namminersorlutik Oqartussat akornanni pissaqaqatigiissut naligiissinneranni amigaatit                           | 2.3.8     | Ammavooq  |
| 2018-08 | Akissarsiat kiisalu isumaginninnikkut ikiorsiissutit akileraarutaasussat naleqqatigiissinneqarneranni amigaatit | 2.3.9     | Matuvooq  |
| 2019-01 | Isumaginninnermik suliaasaqarfimmi sullissinnermi kukkunerit aamma amigaatit                                    | 2.3.10    | Ammavooq  |
| 2019-02 | Ingerlatsinerup aamma sanaartukkat akornanni immikkoortitsineq                                                  | 2.3.11    | Ammavooq  |

|         |                                                                                                                                                           |        |         |
|---------|-----------------------------------------------------------------------------------------------------------------------------------------------------------|--------|---------|
| 2020-01 | Siorarsiorfik Nuuk City Development A/S-imik<br>pissaqaqatigiissutit                                                                                      | 2.3.12 | Matuvoq |
| 2020-02 | Attartornermik aamma pisiarisinnaasanik atornermi<br>isumaqatigiissutit Naalakkersuisunit<br>akuersissutigineqaqqullugit nassiunneqarneranni<br>amigaatit | 2.3.13 | Ammavoq |

### **2.3.1. Atuisut akiliutaannik akiliisitsiniaanermi suleriaatsit allaaserineqarnerat amigaataasoq (2013-3)**

2013-imi kukkunersuiusut oqaaseqaataanni qupperneq 129-mi ima oqaaseqaasiorpugut:

*"Ingerlatsiviit assigiinngitsut iluanni atuisut akiliutissaannik, ineqarnermut akiliutaannik allanillu akiliisitsiniarnernik suleriaatsit ilaat misissorsimavagut.*

*Suliassaqaarfinni tamaginni akiliisitsiniarnernik suliaqarnermi suleriaasissaq allaaserineqanngilaq, taamatuttaaq uagut nalilerparput akiliisitsiniarnerup ingerlaavartup nakkutigineqarnera amigarsorinartoq, aamma ilanngullugit akiliutigeqqullugit piumasaqaatigineqartut eqqortuunerat aamma qaammatinut eqqortunut nalunaarsorneqarnerisa nakkutigineqarnerat amigaateqartut.*

*Innersuutigaarput suliassaqaarfinnut taakkununga suleriaasissamik aallartitsisoqarnissaa, ilanngullugu akiliisitsiniarnerit eqqortuunerannut qulakkeerinninnissaq."*

Ingerlatsivinni assigiinngitsuni suli suleriaatsit allaaserineqarnerat suliarineqarsimanngillat. "Ingerlatsineq aamma aningaasanik aqutsinermut najoqqutassiaq", ulloq 1. oktober 2014 siornatigut atukkap Karseqarnermut aamma naatsorsuutit pillugit maleruaqqusaq 2008-meersup taartaani, tamakkua allaaserineqassasut aalajangersagaavoq.

Taamaattumik atuisut akiliutaannik akiliisitsiniarnermi suleriaatsit allaaserineqarnissaannik innersuussuterput attatiinnarparput.

***Ukiut siuliini kukkunersuiusutut oqaaseqaaterput tassunga tunngasoq aalajangiusimaannarparput.***

### **2.3.2. Akissarsialerivimmi amigaatit (2013-4)**

Akissarsialerivimmut tunngatillugu siornatigut makkununga tunngasut kukkunersuiusutut oqaaseqaatinik saqqummiussiffigaavut:

- Suleriaatsini aamma nammineq nakkutilliinermi allaaserisanik naammassinninneq, isikkuinik aamma akissarsiat tamakkiisut nalunaarsorneqarneranni taamatullu taakkua pillugit qisuariaatit naapertorlugit iliuuseqarnermi amigaatit, kiisalu akissarsialerissut naapertorlugu akissarsianik naligiissitsineq ingerlaavartoq, Sulinal aqqutigalugu nalunaarutiginninnerit aamma aningaasaqarnermut aqutsissummut nalunaarsuinerit amigaataasut
- Suliat pillugit uppersaananermi amigaatit tunngavittut paasissutissani soorlu isumaqatigiissummut aamma skalatrinimut eqqortumut inissiinermut uppersaananerit, ukiut suliffiit amerlassusianik naatsorsuinerit, tapisianik pisinnaatitsissutit, akiliuteqarnissamut paasissutissat amigaateqarput
- Atorfininnermut atasumik allakkami sulisut atsiorderi amigaataasut
- Pissutsini arlalinni paasivarput meeqqanik pinerlisimannginnermut uppersaanaatit tiguneqarsimasut piumasaqaatinik naammassinnissimanngitsut

Kommunimi akissarsialerinerimik allaffissornerup ingerlaavartumik pitsanngorsarneqarneranik suliniartoqaraluartoq 2021-mi ukiumoortumik naatsorsuutininik kukkunersuiunerup ersersippaa, immikkoortuni isornartorsiorneqartuni pissutsit arlallit suli atuuttut.

***Taamaattumik ukiut siuliini kukkunersuiusutut oqaaseqaativut suli aalajangiusimavagut***

### **2.3.3. Aqutsisut suliamut nakkutilliineranni amigaatit (2013-9)**

2013-imi kukkunersuiusut oqaaseqaataanni quppernemi 139-140 aqutsisut allaffissornermik aamma suliassaqaarfinnik ilisimasalittut nakkutilliinerat pillugit imannak allappugut:

*”Suliassa qarfinni sulianik ingerlatsinerni nalinginnaasumik pitsaassutsimik qulakkeerinninnissaq anguniarlugu, suliassa qarfimmu ilisimasalit aqutsisut nakkutilliinerat nalinginnaasumik ingerlanneqanngilaq. Oqartussaasut aalajangiussat pitsaassusiat nalinginnaasumik misissorneqarneq ajorput taamatullu innuttaasunut akiutaasartunut kisitseriaatsit tunuliaqutaasut. Tassunga atatillugu kukkunersuiusut immikkut oqaaseqaateqarput. Namminersorlutik Oqartussat akornanni nalogiissaarineq pillugu kukkunersuiunermik allaaserisami (ilanngussaq 3 takuuk).*

*Suliat pillugit kukkunersuiunermi aamma takuneqarsinnaavoq sulianut uppersaasat pitsaassutsimikkut assigiinngisitaartut. Suliani misissugassat toqqakkat ilaanni, suliamut uppersaasat aalajangiussinermi inatsimmi tunuliaqutaasumi piumasaqaatit malillugit ingerlanneqarsimanngillat, soorlu uppersaasinik pissarsiniarnermi uppersaasat aamma ikiorserneqartussap isertitaanik misissuinerit pissutsillu tassunga tunngassuteqartut allat naammaginngitsut.*

*Ingerlatsinerit allaaserineqarnissaat aallarnisarlugu, immersugassat atorneraluput aamma piginnaanngorsaaqqinneq, tusarliunneqartullu naapertorlugit immikkoortut ilaanni ataavartumik sulianik ingerlatsinernut pitsanngorsaataallutik.*

*Innersuussutigaarput suliamik ingerlatsinermik nukittorsaanermut sulineq nangingneqassaasoq, ajornanngippat suli sakkortusarneqarluni.”*

Suliamut atortut pitsaassusiannik qulakkeerinninneq meeqqanut- aamma inuusuttunut suliassa qarfinni taamatullu inersimasunut suliassa qarfinni ingerlanneqarsimapput, sulili suliassa qarfinni taakunani aqutsisut nakkutilliinerat piumasaqaatit naapertorlugit aamma ataavartumik pilersimanngilaq – taamaattumik aamma angusat pillugit nalunaarutiginninneq Ingerlatsinermut aamma aningaasanik aqutsinermut najoqqutassami, immikkoortoq 33 naapertorlugit ingerlanneqarsimanani.

Isumaginninnermut Suliffissaqartitsinermullu Ingerlatsivik.

Ingerlatsivik ilisimatitsivoq 2021-mi nakkutilliinermik periutsit assigiinngitsut misilerarneqarsimasut. Assersuutigalugu ilisimatitsissutigineqarpoq sulianut orluuteqarfinnut sammisunik sammisanut aalajangersimasunut tunngasunik nakkutilliinermik suliaqartoqarsimasoq.

Meeqqanut ilaqutariinnullu Ingerlatsivik

Ingerlatsivik ilisimatitsivoq 2020-mi aamma 2021-p aallartinnerani sammisanut aalajangersimasunut tunngasunik nakkutilliinernik arlalinnik ingerlatsisoqarsimasoq.

Ingerlatsivinni aqutsisut suliamik nakkutilliinerat malittaraavut aamma 2022-mut kukkunersuiunitsinni sammisanik aalajangersimasunik nakkutilliinerusinnaasunik ingerlatsiumaarpugut.

Deloittep sulianik kukkunersuiunerani soorlutaq Namminersorlutik Oqartussat Nakkutilliisuisa sulianik uppersaasaneeranni amigaateqartoqarnera tikkuarneqarpoq aamma piffissaliussanik eqquutsisineq, aqutsisut nakkutilliinermik ingerlatsisimasuuppata tamakku paasineqarsimassagalarput.

Saniatigut suliamut aqutsisut nakkutilliineq, suliassa qarfinni sulianik piginnaanngorsaanernut allanngortiterinerlu anguniarlugit aqutsinermi tunngavissaasagalarpoq pitsaasoq.

Taamaattumik innersuussutigineqarpoq ukiuni aggersuni aqutsisut suliassa qarfinni nakkutilliinerisa pilersinneqarnissaannut suliniarneq pingartinneqartariaqartoq.

***Siornatigut kukkunersuiusutut oqaaseqaativut suli aalajangiusimavagut***

## **2.3.4. Sanaartornermit naatsorsuutini il.il. saqqummiussineq (2013-12)**

2020-mi kukkunersuiusut oqaaseqaataanni imaattumik nalunaaruteqarpugut:



2020-mi ukiumoortumik nalunaarummut sanaartornermit naatsorsuutitut oqaaseqaatini, sanaartornermik suliniut ataaseq pillugu ukiumi atukkat 2020-mi missingersuutitut tunngasut nassuiaatigineqarput kiisalu suliniutip ukiumi aningaasaqarnerata inissisimaneranut tunngasut.

Ingerlatsineq aamma aningaasanik aqutsineq pillugu najoqqutassiaq naapertorlugu sanaartugassatut pilersaarutit naammassineqarsimasut 2 mio.kr.-init amerlanernik atuiffiusut/aningaasaliissutitaqartut kommunip kukkunersiuusuanut nassiunneqassapput, sanaartukkanut naatsorsuutit naammassineqarsimasut 2 mio.kr.-it ataallugit atuiffiusut/aningaasaliissutitaqartut aningaasaqarnermut ataatsimiititamut saqqummiunneqassapput kingusinnerpaamik ukiumoortumik naatsorsuutitik saqqummiussinnermut atasumik. Ilisimavarput tassunga killiliussaq 10 mio.kr.-inut qaffanneqarsimasoq, kommunip pisinnaatitsissutaanut pilersaarut naapertorlugu.

Upernaakkut 2021-mi sanaartukkanut naatsorsuutit arlallit piffissamit 2018-ip siornanneersut arlallit kukkunersiorneqarnerat naammassivagut. Naatsorsuutit taakkua arlaannaalluunniit tunniussinissamut piffissaliussamik eqquutsitsinngillat, tassunga tunngasoq kommunip malittarisassaanni aalajangersarneqarnikuuvoq. Sanaartornermi naatsorsuutit piffissamit 2018-imit taassumalu kingorna uagutsinnut saqqummiunneqarsimanngillat.

Uagut paasinnittaaserput naapertorlugu, maannangaaq suliamik ingerlatsineq aallartinneqarpoq "Ingerlatsineq aamma aningaasanik aqutsinnermut najoqqutassiami" aalajangersakkat malinneqartaq-qullugit, kisianni aamma oqaatigissavarput sanaartornermit naatsorsuutitik pisoqqanik saqqummiussinnermik suliasamik annertuumik suli ingerlatsisoqarsimanngimmat. 2021-mi upernaakkut sanaartornermit naatsorsuutitik allanik kukkunersiuinnermik ingerlatsilluta naammassisaqarsimanngilagut.

**Taamaattumik siornatigut kukkunersiuusutut oqaaseqaativut aalajangiusimavagut.**

### **2.3.5. IT-mik nakkutilliinerni nalinginnaasuni sanngееqqutit (2014-2)**

Kukkunersiuinnermut atasumik kommunip it-mik atugaqarneranut ilisimasavut nutarterpavut, it-mik suliasaqaarfimmik nalinginnaasumik naliliisinnaajumalluta aamma ukiumoortumik naatsorsuutitik kukkunernik malunaatilinnik arlerinaammik naliliisinnaajumalluta.

IT-mik nakkutilliissutitik nalinginnaasunik misissuinitinni paasivarput, suli sanngееqutitik arlalinnik peqartoq taakkualu sumiiffissineqartariaqartut. Oqaaseqaatit immikkoortumi 3.4 itisileneqarput.

**Taamaattumik suliasaqaarfik pillugu siornatigut kukkunersiuusutut oqaaseqaaterput suli aalajangiusimavarput.**

### **2.3.6. Pissat nalunaarsorneqarnerat pillugu qularinninneq (2018-03)**

2020-mi kukkunersiuusutut oqaaseqaatitsinni ilaatigut pissat pillugit imaattunik eqqartuivugut:

2020-mi ukiumoortumik naatsorsuutitik kukkunersiuinnerup ersersippaa akiitsullit modulat aamma aningaasaqarnermi modulip akornanni ataqatigiinneqartoq, soorluttaaq ingerlaavartumik akiligassanik allattuineq aamma akiliutitik tiguisarneq ingerlanneqartut siornatigut ajornartorsiutitut paasisat assingannik atugassaqaartitaagani.

Akiliisitsiniaanermik oqaloqatiginnittoqarpoq pissat nalunaarsorneqarnerannik imalik kommunimit Akiliisitsiniaasarfimmut nassiunneqarsimasoq pillugu, aamma pissat Akiliisitsiniaasarfimmik akileneqqaqqullugit sulissutigineqartut pillugit.

Suliaq taanna suli tamarmi qulaajarneqarsimanngilaq.

Akiliisitsiniaasarfimmit aningaasat nalingisa naligiissinneqarnerannik tigusaqarpugut, taanna nikingassummik pingaaruteqannginnermik ersersitsivoq.

**Taamaattumik immikkoortoq matuneqarsimasutut isigaarput.**

### **2.3.7. Ingerlatsivinnut atassuteqarfigisanut pissaqatigiissutit naligiissinneqarneranni amigaatit (2018-05)**

2020-mi kukkunersuiusutut oqaaseqaammik saqqummiussivugut, ingerlatsivinnut atassuteqarfigisanut pissaqatigiissutit ilaatigut imannak eqqartorlugit:

*Kommunimit Iserit-imut akiitsut 10,8 mio.kr.-inik nalillit naatsorsuutitut ilanngunneqarput (taakkununga ilanngullugit amerlanngitsunik akiitsulinnut tunngasut arlallit). Akiitsunik naleqqatigiissitsineri inissitsikkaniittut 4,2 mio.kr.-inut tunngasoq isumaqatigiinnigssutigineqarpoq, taanna isumaginnittoqarfimmit inissiat innersuussat qimanneqarsimasut akiitsuinut tunngassuteqarpoq. Inissitsikkaniittut taakkua Iserit-mit pissatut naatsorsuuseriffigineqarsimapput, kommunilli akiitsut sulii naatsorsuuseriffigisimangilai. Pineqartoq taanna pillugu erseqqissumik qulaajaasoqarnissaa utaqqineqarpoq. Kommuni uagutsinnut ilisimatitsivoq, inissitsikkat ima angitigisumik qularnartoqartut, taakkua naatsorsuuserineri inissitsikkanut ilanngunneqannginissaat toqqarsimallugu, tamannalu tusaatissatut tiguneqarpoq. Pineqartoq immikkoortumi 7.2 kukkunertut missiliussatut ilanngunneqarpoq, pineqartumut aalajangiussineri naatsorsuiffiqatigiinneq 0 kr.-init 4,2 mio.kr.-it akornanni inissinneqarsinnaassaaq.*

Pissutsit taakku sulii qulaarneqarsimanngillat, aamma taamaattumik qularutigineqartoq sulii 0 kr.-init 4,2 mio.kr.-it akornanni inissisimavoq. Taamaattumik pissutsit taakkua 2021-mi naatsorsuutini kukkunertut ilanngunneqarput, immikkoortoq 3.7 innersuussutigalugu.

**Taamaattumik suliaasaqarfimmut siuliini kukkunersuiusutut oqaaseqaaterput attatiinnarparput.**

Taassuma saniatigut 2020-mi kukkunersuiusutut oqaaseqaaterput suliffeqarfinnut atassuteqarfigisanut tunngasuni pissaqatigiissummik imaqarpoq, pineqarput suliffeqarfittut pigisamut Siorarsiorfik - Nuuk City Development A/S (NCD) pissaqatigiissutit. Tassunga tunngasup immikkoortumi 2.3.12 sukumiinerusumik allaaserineqarnera innersuussutigaarput.

### **2.3.8. Namminersorlutik Oqartussanik akornanni pissaqatigiissutit naligiissinneqarneranni amigaatit (2018-06)**

2020-mi Namminersorlutik Oqartussanik pissaqatigiissutit pillugit kukkunersuiusutut imaattumik oqaaseqaateqarpugut:

*“Kommunimit naatsorsuutitut ilanngunneqarpoq Namminersorlutik Oqartussanit pissat 58,5 mio.kr.-isut. Ulloq 31.12.2020 pissaqatigiissutit naligiissinneqarsimanngillat, kisianni upernaakkut 2021 Namminersorlutik Oqartussat oqaloqatigineqartuarpullu inissitsikkat ammasut naligiissinneqarnissaannut tunngasumik. Tassunga atasumik aningaasat nalingat isumaqatigiissutaalerpoq, taamaattoq pineqaatissinneqarsimasunik inissiinernit pissat qulaajarneqarnissaat amigaataapput. Pissat taakkua kommunimit naatsorsuutitut ilanngunneqartut 19 mio.kr.-iupput Namminersorlutik Oqartussanit sulii akilernerqarsimanngitsut.*

*Akiitsullit akiligassaasa nalingannik naligiissitsineri aamma paasivarput, AX-imi aningaasaqarnermut kontonik arlalinnik peqartoq taakkunani Namminersorlutik Oqartussat akiitsuia nalingi Namminersorlutik Oqartussanik oqaloqateqarnermi ilanngunneqarsimanngillat. Tamatuma*

kinguneranik 5,3 mio.kr.-it akiligassatut suliarineqassaaq, aningaasat nalingat Namminersorlutik Oqartussanit pissatut naatsorsuutitut ilanngunneqarsimanera pissutigalugu, taamaattorli piviusuni pissatut ersersinneqarsimanngilaq. Aningaasat nalingat kommunimit 2021-mi akiligassatut ingerlanniarneqarpoq, aamma taamaattumik uagut pissutsit taakkua 2020-mi kukkuneq-iluarsineqanngitsutut ilannguppagut.

Kommunimit naatsorsuutitut ilanngunneqarput Namminersorlutik Oqartussanut akiitsut 36,6 mio.kr.-it. Taakkununga ulloq 31.12.2020 naligiissitsinermik ingerlatsisoqanngilaq. Kommunip Namminersorlutik Oqartussanik oqaloqateqarluni upernaakkut 2021 akiitsut naligiissinneqarnerannik suliaqarpoq. Naligiissitsineq kingulleq ulloq 16. juni 2021-meersoq pigineqarpoq, aamma akiitsut isumaqatigiissutigineqarput, inissitsikkat aningaasanik amerlasuunik imallik suli qulaarneqarsimanngitsut pinnagit. Taakkua katillutik 11,3 mio.kr.-inik naleqarput Namminersorlutik Oqartussani pissatut inissisimasut, kisianni kommunimit akiitsut suli naatsorsuutitut ilanngunneqarsimanngillat aamma aningaasartuut tassunga tunngasoq. Inissitsikkat annermik isumaginninnermik suliaasaqarfimmut tunngassuteqarput. Kommuni uagutsinnut ilisimatitsivoq inissitsikkat pillugit annertuumik nalornisoqartoq, taakkua naatsorsuutitut ilanngutinnginnissaat toqqarsimagitsik, tamannalu tusaatissatut tiguneqarpoq.

Oqaatigissavarput, uagut 2020-mi angusat nalunaarsorneranni inissitsikkanik kukkunerisuiunitsinni, Namminersorlutik Oqartussanut aningaasanik nuussinernut tunngasunik, kommunip naatsorsuutaani isertitat amigaataasut imaluunniit aningaasartuutit pillugit kukkuneris paasisaqarsimannginnatta. Qulaani kukkunerit aamma sanngeequtit taaneqartut taamaattumik ima annermik isigineqarput, aningaasat nalingi qangarnisat aamma isumaqatigiinnissutaasut suli qulaarneqarsimanngitsut.

Innersuussut uteqqissavarput, kommunip aamma Namminersorlutik Oqartussat akornanni pissaqatigiissutit katinnerat naligiissinneqarqullugit. Naligiissitsineq minnerpaamik ukiumut ataasiarluni pisassaaq, ajornanngippat kvartalikkaartumik, taamaaliornikkut naliliinerput naapertorlugu sulianik malunnaatilimmik oqilisitsissaaq.”

2021-mi naatsorsuutini Namminersorlutik Oqartussanit pissat 227 mio.kr.-inngorlugit nalunaarsorneqarsimapput, imannak immikkut erseqqissaaserneqarlutik:

|                                         |            |          |                                                                                      |
|-----------------------------------------|------------|----------|--------------------------------------------------------------------------------------|
| Namminersorlutik<br>pissat              | Oqartussat | 237.744  | Immikkut inissitsikkat – akileraarutit il.il. akiliutaagallartut                     |
| Namminersorlutik<br>akiligassat         | Oqartussat | (12.590) | Pissatut inissitsikkat – inissitsikkat illuatungaanni<br>Namminersorlutik Oqartussat |
| Nammineq<br>aaqqissuussap iluani pissat | kommunitut | 1.857    | Kommunimi namminermi immikkoortunit allanit pissat                                   |
|                                         |            | 227.011  |                                                                                      |

2021-mi naatsorsuutini Namminersorlutik Oqartussanut akiligassat 40 mio.kr.-inngorlugit nalunaarsorneqarsimapput, imannak immikkut erseqqissaaserneqartut:

|                                                         |                  |          |                                                                                         |
|---------------------------------------------------------|------------------|----------|-----------------------------------------------------------------------------------------|
| Akiligassat<br>Oqartussat                               | Namminersorlutik | (29.917) | Akiligassat inissitsikkat – inissitsikkat illuatungaanni<br>Namminersorlutik Oqartussat |
| Nammineq komminutut<br>aaqqissuussap iluani akiligassat |                  | (10.264) | Kommunimi namminermi immikkoortunut allanut akiligassat                                 |
| Akiligassat allat                                       |                  | (21)     | Inissitsikkat illuatungaanni akiligassaqaarfiit allat                                   |
|                                                         |                  | (40.202) |                                                                                         |

Aallarniutitut immikkoortoq 3.5.4 innersuussutigaarput oqimaaqatigiissitsinermi inissitsikkat immikkoortiterlugit erseqqissarneqarnerat, kommunimi namminermi pissanut akiitsunullu pissaqaqatigiissutinik imaqarnerat pissutigalugu.

Namminersorlutik Oqartussanit pissat pingaarnertit tassaapput aningaasaqarnermi inissitsikkat angisuut arlallit (akileraarutaagallartut, ernianit akileraarutit) taakkua oqaaseqaatitaqanngitsumik kukkunersiorneqarput (238m DKK). Sinneruttut (akiitsut 12.590 t.kr.-it) inissitsikkat illuatungissaannit naligiissitsineq uppersarneqanngilaq, kisianni inissitsikkat sulii qulaajarneqanngitsut pillugit inissitsikkat aalajangiisut pillugit naligiissitsinermik ingerlatsisoqarpoq. Akiligassaqaarfittut pissaqaarfittullu inissitsikkat Namminersorlutik Oqartussanut tunngasut kukkunersiorpavut, ukiumi nutaami inissitsikkat misissuinerimik ingerlatsiffigalugit, kiisalu angusanut kontoni Namminersorlutik Oqartussanut nuussinernut tunngassuteqartuni misissuinerit misissugassatullu nakkutilliinerit tunngavigalugit. Tassunga tunngatillugu kommunip naatsorsuutaani isertitat imaluunniit aningaasartuutit amigaataanerannut tunngasumik kukkunernik paasisaqanngilagut

Taamaattumik qulaani kukkunerit aamma sanngheetutit aningaasat nalingisut taasat pisoqqat aamma isumaqatigiinngissutaasimasut qulaajarneqarsimanngitsut pingaarnertut pissutaasimanerannut ersiutaasutut isigineqartariaqarput. Innersuussuterput uteqqissavarput, kommunip aamma Namminersorlutik Oqartussat akornanni pissaqaqatigiissutit pillugit naligiissitsinermik suliaqartoqartaqqullugu. Naligiissitsineq minnerpaamik ukiumut ataasiarluni ingerlanneqartassaaq, ajornanngippat kvartalikkaartumik, naliliivugut taamaaliornikkut suliamut malunnaatilimmik oqilisaataassasoq.

**Taamaattumik siusinnerusukkut kukkunersuiisutut oqaaseqaaterput attatiinnarparput.**

### **2.3.9 Akissarsiat kiisalu isumaginninnikkut ikiorsiissutit akileraarutaasussat naligiissinneqarneranni amigaatit (2018-07)**

2020-mi ilaatigut akissarsiat kiisalu isumaginninnikkut ikiorsiissutit akileraarutaasussat naligiissinneqarneranni amigaatit pillugit kukkunersuiisutut imak oqaaseqaateqarpugut:

*Ukiumik naammassinninnermut atasumik ikiorsiissutit AX-imi naatsorsuuseriffigineqarsimasut, akissarsialerissummi paasissutissat aamma ukiumut 2020 Sulinalimut nalunaarutigineqarsimasut akornanni naligiissitsinermik suliaqartoqarpoq. Naligiissitsinerup suliarineqartup ersersippaa, AX/akissarsialerisutit aamma Sulinalimut paasissutissat nalunaarutigineqarsimasut akornanni nikingasutit 3,1 mio.kr.-iusut sulii qulaarneqarsimanngitsut. Pissutsit taakkua immikkoortumi 7.3. kukkunerni iluarsineqarsimanngitsuni allassimapput.*

Ulloq 31.12.2021 naligiissitsinermik tigusaqarpugut, tassani erserspoq AX-imi, akissarsialerissummi paasissutissat aamma Sulinalimut naalunaarutigisat akornanni pingaaruteqannginnermik nikingasuteqartoqartoq. Aammattaaq ilisimatinneqarpugut ukioq 2021 tamaat qaammatikkuutaartumik naligiissitsinermik ingerlatsisoqartartoq.

**Taamaattumik immikkoortoq matuneqarsimasutut isigaarput.**

### **2.3.10 Isumaginninnikkut suliaasaqarfimmi sulianik ingerlatsinerup pitsaassusiani amigaatit (2019-01)**

2020-mi isumaginninnermik suliaasaqarfinnik itisiliilluta kukkunersuiunitsinni siornatigut paasisimasatsituulli, sullissinermi pitsaassutikkut amigaatit pingaarutillit suliaasaqarfinni tulluuttuni piusut paasivagut:

- Pisortanit ikiorsiissutit, ataasiartamik aningaasartuutit aamma inunnu tapit
- Meeqqanut aamma angajoqqaarsianut suliaasaqarfik

- Suliffissaqartitsinermik suliassaqarfik

**Siusinnerusukkut kukkunersuiisutut oqaaseqaaterput attatiinnarparput.**

### **2.3.10.1 Pissutsit nainginnaasut – Allattuisussaatitaanermik malittarisassanik eqquutitsineq**

Allattuisussaatitaanermut pisussaaffiit Pisortat ingerlatsinerat pillugu paasitinneqarsinnaatitaaneq pillugu Inatsisartut inatsiaat nr. 9, 13. juni 1994-imeersoq § 6-imi takuneqarsinnaapput.

Allattuisussaatitaanerup nassataraa suliani aalajangiussinermik imaqtuni allattuisoqartassasoq oqaatsit atorlugit allatulluunniit sulianut tunngavippiaasunik paasissutissanik pissarsisoqartillugu, imaluunniit avataanit suliaqartut suliamut aalajangiussinermut pingaaruteqarsinnaasunik suliamik naliliitillugit. Allattuisussaatitaaneq aamma atuuppoq isumaginninnermut atasumik sulianik pingaarutilinnik iliuuseqartoqartillugu.

Allattuisussaatitaanermut pisussaaffik qulakkeerinneqataavoq, suliami qanoq pisoqarsimaneranut tunngasumik kingorna erseqqissumik saqqummiussisoqarsinnaaneranut (uppernarsaatissaqarsinnaassuseqarneq), aamma oqartussaaffeqartut eqqortumik iliuuseqarsimanerannut nakkutilliinermik pitsaasumik ingerlatsinissamut periarfissiivoq (nakkutilliisinnaassuseqarneq).

Sulianik kukkunersuiinerup sutigut tamatigut ersersippaa, journalinut allattuineq annertuumik amigaataasoq imaluunniit aningaasaliissutinut, akiliutinut, malitseqartitsinernut allatulluunniit innuttaasunik attaveqarnermut tunngasuni journalimut allattuineq amigaateqartoq. Taamaattumik uagut innersuutigaarput allattuisussaatitaanermik pisussaaffik isumaginninnermik suliassaqarfinni tamaginni sukateriffigineqaqullugu.

### **2.3.10.2 Pisortanit ikiorsiissutit**

Pisortanit ikiorsiissutit, ataasiartamik aningaasaliissutit aamma inunnut tapit kukkunersiorneqarnerannut atasumik pissutsit tulluuttut paasivagut:

- Aningaasat nammineq atorsinnaasat naatsorsorneqarneranni uppernarsaaneq amigaataasoq
- Iliuussissatut pilersaarutit suliarineqarneranni amigaatit
- Malittarinneq amigaataasoq
- Akuersissummut aamma tunngavimmup uppernarsaaneranni amigaatit

### **2.3.10.3 Suliffeqarfimmi sungiusaqqinneq aamma illersugaasumik sulisinnaaneq**

Suliffeqarfimmi sungiusaqqinneq aamma illersugaasumik sulisinnaaneq pillugit kukkunersuiunitsinni pissutsit paasisavut tulluut ukuupput:

- Suliffeqarfimmi sungiusaqqinneq aamma illersugaasumik sulisinnaaneq pillugit akuersissutinik tunniussinermi uppernarsaatit amigaataasut
- Suliffeqarfimmi sungiusaqqinneq pillugu pilersaarusiorneq amigaataasoq
- Malittarinneq amigaataasoq

- Akissarsianut tapiissutini inissiinermut atasumik isummamik aalajangiussineq/malittarinnineq amigaataasut

#### **2.3.10.4 Nuttarsinnaanermut tapiissutit**

Nuttarsinnaanermut tapiissutini kukkunersiuinitsinnut atasumik pissutsit tulluuttut paasivagut:

- Nuttarsinnaanermut tapiissutini akuersissuteqarnermi uppersaaneq aamma journalimi allattukkat amigaataasut

#### **2.3.10.5 Suliat meeqqanut tunngasut**

Sulianik meeqqanut tunngasunik kukkunersiuinitsinni pissutsit tulluuttut paasivagut:

- Iliuusissatut pilersaarutit amigaataasut
- Inissinneqarfimmit aninissamut / inersimasunngornermi ikaarsaariarnermut atasumik kinguneqartitsinermik ingerlatsinernissamut aalajangiussineq/malittarinnineq amigaataasut
- Nakkutilliinissamut nalunaarummik atuutsitsinissamik amigaatit, nalunaarummi allassimavoq meeraq aamma neqeroorut ingerlaavartumik nakkutilliiffineqartassasut.

#### **2.3.10.6 Ilaqutariit angajoqqaarsiat pillugit suliassaqarfik**

Ilaqutariit angajoqqaarsiat pillugit sulianik kukkunersiuinitsinni pissutsit tulluuttut paasivagut:

Ilaqutariit angajoqqaarsiat akornanni isumaqatigiissutitut uppersaasatit aamma meeqqat ataasiakkaat paarineqarnerat pillugit isumaqatigiissutit kiisalu taakkuninnga malittarinninnerit amigaataanerat. Taakkua saniatigut paasivarput suliani amerlanerpaani ilaqutariit angajoqqaarsiat angajoqqaarsiaasinnaanermut akuersissutaat nutartikkat pigineqanngitsut.

Nakkutilliisussaataitanermik nalunaarummik atuutsitsineq amigaataasq.

Paarsinermi akissarsiassat kontonut kukkusunut inissinneqartarput. Paasivarput paarsinermi akissarsiassat pissutsini arlaqartuni ilaqutariit angajoqqaarsiaasut cpr.nr.-annut inissinneqartartut, meersaasup cpr.nr.-ani kontomut inissinneqartussaagaluarlutik. Tassunga kinguniusinnaavoq meeqqanut ataasiakkaanut aningaasartuutit katinnerisa eqqortumik tamakkiisumik paasineqarsinnaasannginnerat.

### **2.3.11 Ingerlatsinermi aamma sanaartornermi aningaasartuutit akornanni immikkoortitsineq (2019-02)**

2019-imi kukkunersuiusutut nalunaarutitsinni kukkunersuiusutut oqaaseqaatinik tulluuttunik saqqummiussivugut:

*Aningaasaliissutini aqutsinermi ingerlatsinermut aningaasaliissutit aamma sanaartornermut aningaasaliissutit immikkoortinneqartarput. Taamatuttaaq Missingersuutitut inatsimmi ingerlatsinermi aamma sanaartornermi aningaasartuutit immikkoortinneqartarput. Missingersuutitut inatsimmi aalajangersarneqarpoq ingerlatsinermut aningaasartuutit annerpaamik isertitatut tunngaviusut 93 procentiannik inissisimassasut. Taamaaliornikkut ingerlatsinermi aamma sanaartornermi aningaasartuutit pingaaruteqassusiat qaffanneqarpoq.*

Kontonut inissitsiterinnermut najoqqutassaq naapertorlugu sanaartornermi aningaasartuutit 500.000 kr.-it sinnerlugit amerlassusillit pisiniarnermi pitsanngorsaannermilu aningaasartuutitut inissinneqasapput (pigisat ataasiakkaat imaluunniit nutaatut pissarsiat ataatsimoortut), ukiut pingasut sinnerlugit anguniakkamik naammassinninnermut ilapittuutaasussatut isigineqarpata. Pitsanngorsaatit tassaa-pput aningaasartuutit anginerit pigisamut piusumut attuumassuteqartut (assersuutigalugu illuummut), pitsanngorsaatit pigisap tunngaviusumik atorneqarsinnaanerata piffissaliussamik sivitsuiner-  
tut, piginnarneqarsinnaanerani imaluunniit atuussinnaanerata sivitsorneqarneratut isigineqarsin-  
naatillugit.

Taamaattumik ingerlatsivinnut tamakkiisumik pigisanut ingerlatsinnermut tapiissutit ingerlatsiviit inger-  
latsinnermut aningaasartuutaasa ataanniipput.

Siumut akiliutinik aamma pisinissamut periarfissaqarluni/pisussaaffeqarluni illuutinik attartornermut  
isumaqatigiissutitut tunngasut, kommunimit naatsorsuuserinnermik ingerlatsiffigineqarnerat, taanna  
piffissami matumani Missingersuutitut- aamma Naatsorsuutitut Siunnersuisoqatigiit aqqutigalugit pi-  
aarnerpaamik qulaajarneqartariaqarpoq.

Immikkoortitsineq missingersuusiorderup nalaani aallartereertarpoq, aningaasartuutit qulaani killili-  
ussanik naammassinninngitsut sanaartornermi aningaasartuutitut aningaasaliiffigineqassallutik.

Kommunip 2019-imut sanaartornermut aningaasartuutaanik kukkunersuiunitsinni paasivarput, anin-  
gaasartuutit ilaat sanaartornermut aningaasartuutit ataannut kontonut inissinneqarsimasut, qulaani  
killiliussatut taasanut naapertuutinnngitsut.

Innersuussutigissavarput siunissami aningaasaliissutit aamma kontonut inissitsiterinnerit eqqortut  
qulakkeerneqarnissaat siunertaralugu qulakkeerininnermik ingerlatsisoqatigullugu.

2021-mi kommunip sanaartornermut aningaasartuutaanik kukkunersuiunitsinni paasivarput, sanaar-  
tornermik suliassaqrarfiup ataani aningaasartuutit arlallit sulit kontonut inissinneqartartut, qulaani kil-  
liliussatut taasat eqquutsinnagit.

Ilanngullugu erseqqissaatigissavarput immikkoortitsinnerup taassuma piffissami missingersuutini-  
k suliqaarnermi atorneqartarnissaata pingaaruteqassusianut tunngasoq, taamaaliornikkut kingusin-  
nerusukkat naatsorsuutini-  
k eqquutsitsineq nikingassutini-  
k teknikkimut taamaallaat tunngasarsin-  
naaqqullugu.

**Taamaattumik kukkunersuiusutut oqaaseqaativut attatiinnarpavut.**

### **2.3.12 Siorarsiorfik Nuuk City Development A/S-imik pissaqaqatigiissutit (2020-01)**

2020-mi kukkunersuiusutut oqaaseqaatitsinnit NCD-mik pissaqaqatigiissutitut tunngasut pillugit tul-  
liuttut atuarneqarsinnaapput:

Aasakkut 2021 kommunip aamma Siorarsiorfik Nuuk City Development A/S akornanni  
pissaqaqatigiissutit aqqiinnermik angisuunik ingerlatsisoqarsimasoq paasineqarpoq.

Ilaatigut pineqarput fakturat 18 mio.kr.-it missaannut tunngasut, kingornalu akiligassaqrarfiit allagar-  
taat aningaasanut assingungajattunik amerlassusilinnut tunngasut.

Ingerlatseqatigiiffimmit faktura 18m DKK nalilik, januaarip 1.-taat 2021 ulluligaq ima oqaasertalik "sa-  
naartorfigissaaneq 2020" nassiunneqarsimavoq. Faktura taanna 2021-mi naatsorsuutitut ilan-  
gunneqarpoq, aamma 2020-mi kommunip naatsorsuutaanut ilanngunneqartussaasimagaluarpoq.

Paarlattuanik ingerlatseqatigiiffik akiligassat allagartaannik katillugit 20,5 mio.kr.-it missaannik nalilin-  
nik suliqaarpoq.

*Taakkunannga fakturat 5 mio.kr.-inik nalillit ingerlatseqatigiiffiup 2020-mi nassiussimavai – aamma taamaattumik kommunip 2020-mi naatsorsuutaannut ilanngunneqarput. Ingerlatseqatigiiffiup akiligassat allagartaat taakkua piffissaalluartillugu ima nassiussimassagaluarpai, 2020-mi kommunip naatsorsuutiminut ilanngussinnaallugit.*

*15 mio.kr.-it missaanniittut allat, paasissutissinneqarneq naapertorlugu tassaapput 2021-mi fakturanut tunngassuteqartunut akiligassat allagartaat. Ingerlatseqatigiiffimmit akiligassat allagartaat taakkua aamma piffissaalluartillugu ima nassiussimassagaluarput, kommunip 2020-mut naatsorsuutiminut ilanngussinnaallugit.*

*Soorlu siusinnerusukkut nalunaarutini tikkuarneqartartoq, kommunip aamma ingerlatseqatigiiffiup akornanni suleqatigiinneq isumaqatigiissutaasimasut pillugit allakkiat amigaataanerannik sunnersimaneqarpoq. Tamanna immini naammaginangilaq.*

*Saniatigut kommuneqarfimmi pisortaaneg ingerlatseqatigiiffimmi siulittaasutut tikkuagaavoq. Taamaaliornikkut pisiniamik/tuniniaasumik periuseq nalinginnaasoq tamakkiisumik ilaannakortumilluunniit atuukkunnaartinneqarpoq. Tamatuma nassataanik ingerlatseqatigiiffiup aamma kommunip akornanni akiligassiisarnerup eqqarsaatersuutigineqarsinnaaneranut aarlerinaat aamma annertusineqarpoq – tassunga ilanngullugu akiligassiinermi piffissaq pineqartoq soorluttaaq akiligassiinermi tunngaviusunut tunngasut. Taamaattoqarnera isertitat akiligassallu kommunip ukiumoortumik naatsorsuutaanut ukiumut eqqortumut aamma aningaasat nalingat eqqortut atorlugit ilanngunneqanngissinnaanerannut aarlerinaatit aamma annertusarneqarput.*

*Siornatigut aamma assersuutissanik takussutissaqartarpoq, kommunimit aningaasarpassuit nalingannik aaqiisoqartariaqartarneranut kommunimi sanaartornermut aningaasartuutit eqqortumik piffissalersornissaat qulakkeersinnaajumallugu.*

*Taamaattumik sukannersumik kaammattuutigissavarput kommunip aamma ingerlatseqatigiiffiup akornanni isumaqatigiissutit tamarmik allakkatigut uppersarneqarnissaat.*

*Taamatuttaaq sukannersumik kaammattuutigissavarput ingerlatseqatigiiffiit tamakkiisumik pigineqartut kommunimut sullissinertut tunniussaata tamarmik akigititassatut isumaqatigiissutaasimasut tunngavigalugit akiligassartaat ulloq 31.12 tunniunneqarsimasassammata, kommunip soorluttaaq ingerlatseqatigiiffiup naatsorsuutaanni sullissinernik tunniunneqareersunik ersersitsisaqqullugit.*

*Immikkoortoq 5.2.2.1. aamma innersuussutigineqarpoq, kommunip ingerlatseqatigiiffinni susasaqarfiinut tunngasoq.*

*2020-mi kukkunerit iluarsineqanngitsut kinguneraat, 2021-mut kommunip naatsorsuutaani inissitsikat NCD-mut tunngasunik sunnersimaneqarnerat, taakkua piffissani siusinnerusuni ilaatinneqarsimasussaagaluarput. Immikkoortoq 3.7-imi nalunaarsugaq innersuussutigaaqarput.*

*2021-mut naatsorsuutini inissitsikkanik NCD-mut tunngasunik kukkunerisuiunitsinni kukkunernik alalanik paasisaqanngilagut. Ilanngullugu nakkutilliiffigaarput ulloq 31. december 2021 NCD-mik pissaaqatigiissut taanna oqaaseqaatitaqanngitsumik naligiissinneqarsinnaasimavoq.*

**Immikkoortoq matuneqartutut isigaarput.**

### **2.3.13 Attartornermik aamma pisiarisinnaasanik atornermi isumaqatigiissutit Naalakkersuisunit akuersissutigineqaqqullugit nassiunneqarneranni amigaatit (2021-02)**

*2020-mi kukkunerisuiusut nalunaarutitsinni oqaaseqaammik imaattumik saqqummiussivugut:*

*Kommunit nakkutilliisoqarfiata kommunip inissianik tuniniaqqitassatut attartortitseqqinneranut atasumik misissuinerani kommunip sulineranut atasumik paasineqarpoq, attortornermik aamma*



*pisiarisinnaasanik atornermi isumaqatigiissutit Missingersuuseriortarnermut inatsimmi aalajangersakkat naapertorlugit, Naalakkersuisunit akuersissutigineqaqqullugit nassiunneqarnissaat amigaa-taasoq.*

*Tamanna aamma atuuppoq isumaqatigiissutitut Kommunit nakkutilliisoqarfiata misissugaannut tamanut soorluttaaq attartornermut aamma pisiarisinnaasanik atornermut isumaqatigiissutit allanut tunngasunut tamanut, soorluttaaq Missingersuusiortarnermut inatsip akuersissutigineqarnerata kingorna pilersinneqarsimasunut tamanut.*

*Kommuni taamaaliortussaasimagaluarpoq – aamma taamaattumik tamanna pillugu kukkundersiuisutut oqaaseqaammik saqqummiussivugut.*

**Pissutsip sulii ammanera pissutigalugu kukkundersiuisutut oqaaseqaaterput sulii attapparput.**

## 3. Aningaasaqarnermik kukkunersiuineq

**Aningaasaqarnermik kukkunersiuinermi suliarineqarpoq kommunip ukiumoortumik naatsorsuutaasa sutigut tamatigut eqqortumik takutitsinerannik kukkunersiuineq, imaappoq Namminersorlutik Oqartussat aamma kommunit missingersuutaannut naatsorsuuseriveqarnerannullu Inatsisartut inatsisaat nr. 26, 28. novemberi 2016-imeersoq kingorna allannguutinik imalik naapertorlugu, naatsorsuutit kukkunernik amigaatinillu malunnaatilinnik imaqqannginneranik nakkutilliineq.**

### 3.1. Aallaqqaasiut

Kukkunersiuineq ingerlanneqarpoq nunatsinni kukkunersiuisoqarnek pillugu inatsisit kiisalu nunani tamalaani aningaasaqarnermik kukkunersiuinermi najoqqutassat naapertorlugit.

Kommunitut aqqissuussap ukiumoortumik naatsorsuutai suliarineqarput Namminersorlutik Oqartussat aamma kommunit missingersuutaannut naatsorsuuseriveqarnerannullu Inatsisartut inatsisaat nr. 26, 28. november 2016-imeersoq kingorna allannguutilik naapertorlugu.

### 3.2. Nammineq nakkutilliinermik suliassaqarfik

Kukkunersiuinermut atasumik nalilerneqarpoq kommunip nalunaarsuineramik aqqissuussai, suleriaatsit atugai aamma nammineq nakkutilliinera illersorneqarsinnaasumik atuuffeqarnerat.

Matumani siunertaavoq naatsorsuutinik saqqummiussinermut tunngavissanik eqqortunik, uppernassusilinnik aamma piffissaq eqqorlugu naatsorsuuserinermi nalunaarsukkanik imalimmik misissuinissaq.

Ilanngullugu naliliiffigaarput kommunimi suleriaatsit aamma nammineq nakkutilliinerit nuussinerni aamma naatsorsuutini inissitsikkat pingaarutillit ingerlanneqartarnerannut atasumik immikkut erseqqissakkat atugaanersut.

#### 3.2.1. Piffissakkuutaartumik naatsorsuutit aamma missingersuutinik malitseqartitsinerup pitsaassusianik qulakkeerinninneq

Missingersuutitut akisussaasut qaammatikkuutaartumik missingersuutinik malitseqartitsisarnerat nakkutilliineruvoq pingaaruteqarluinnartoq – naatsorsuutit eqqortuunnerannut aamma aningaasaqarnerup ingerlaavartumik aqunneqarnera eqqarsaatigalugit.

Aningaasaqarnermik malitseqartitsisarnerit kvartalikkaartut ingerlanneqartarnerat pingaarnertut nakkutilliiffigaarput, taanna kommunalbestyrelsemut saqqummiunneqartarpoq aamma ilassutitut aningaasaliissutaasinnaasunut tunngavigineqartarpoq. Uagut naliliivugut, taassuminnga ingerlatsinerimi pitsaasutsimik qulakkeerinninneq aamma aaqquissuussaaneq tunngavigineqartartut.

Taamaattumik uagut naliliivugut, aningaasaqarnermik nalunaarutiginninnerit ingerlaavartut naammaginnartumik pitsaassuseqartut, tassunga ilanngullugit kvartalikkaartumik malitseqartitsinerit.

Innersuussutigissavarput uppersaaneq aamma qaammatikkuutaartumik naatsorsuutini saqqummiussinerimi ingerlatseriaatsit suli pitsanngorsarneqarneraqullugit, pissutsit taakkua malunnaatilitut isigineqallaquneqanngikkaluartut.

### **3.2.2. Nammineq nakkutilliinermik suliassaqaarfimmik naliliineq**

Uagut naliliivugut kommunip nammineq nakkutilliissutai pissutaaqataasut nammineq nakkutilliinermik ingerlatsinerup pitsaasuuneranut aamma paasissutissanik naatsorsuutinit tunngassuteqartunik passussinerup uppersaassuseqarneranut.

Piffissakkuutaartumik naatsorsuutini naammaginnartumik pitsaassusilinnik saqqummiussisoqartarpoq, aamma politikikkut aalajangiussanut missingersuutinullu aningaasaqarnikkut tunngavissat patajaatsumik isumatusaartumillu tunngaveqarput.

Piaarluni piaarinaatsoornikkulluunniit kukkunernut aamma ingerlatsivimmi amigaatinut illersuutissat pitsaanerpaat tassaapput nakkutilliinermik suliassaqaarfimmik pitsaasumik ilusilersuineq atuutsitsinerlu. Innersuussutigissavarput kommunimit siunissami pingaartinneqaaqqullugu nakkutilliinerit ingerlanneqartut akulikissusiat, taamaaliornikkut kukkunerit imaluunniit amigaatit pilertornerusumik paasineqartaqqullugit. Aammattaaq kommunimut innersuussutigissavarput nakkutilliinerit ingerlanneqartut pillugit uppersaaneq pitsanngorsarneqaaqqullugu.

## **3.3. Aqutsisut nakkutilliinernik illuartitsisinnaanerannut aarlerinaat**

Aqutsisut nakkutilliinernik illuartitsinerat kukkunersuiusut ileqqussaat 240 naapertorlugu tassaavoq aarlerinaat ilungersunartoq.

Kukkunersuiusutut iliuutsinik ingerlatsivugut, aqutsisut nakkutilliinernik illuartitsisimasinnaanerannik paasisaqarsinnaajumalluta. Immikkoortumi matumani iliuuserisat suliassaqaarfiillu ukkatarisimasavut allaaseraavut.

Aqutsisut nalinginnaasumik ima atorfeqartarput peqquserluutini ingerlatsisinnaanermut periarfisaqarlutik, pissutigalugu naatsorsuutinit atorunik uukapaatitsisinnaagamik aamma nakkutilliinernik illuartitsinerit atorlugit naatsorsuutini uukapaatitsisunik suliaqarsinnaagamik, nakkutilliinernik ajunngitsumik ingerlasorinaraluartunik.

Tamanna aqutsisunut ilaasortanik allanillu oqaloqatigiissutigaarput. Naatsorsuutini naliliinermi taggissinermilu kinaassusersiortuunnginnissamut amigaataasinnaasut eqqarsaatersuutigaavut, tassunga ilanngullugu naatsorsuutini missiliuussineq.

Ukiumik naammassinninnermi- aamma nalunaarusiornermik ingerlatsinerimi nammineq nakkutilliissutit nalilerpavut. Taakkua saniatigut nuussinerit nalinginnaanngitsut pillugit inissitsikkat aamma nakkutilliinerit misilerarneqarnerannik ingerlatsivugut.

Aarlerinaatinik naaperiaaniarluta ulloq oqimaaqatigiisitsiffik aamma naatsorsuutini naammassininnermi inissitsikkanik misileraavugut, misilittakkanit ilisimaneqarmat, piffissami tassani nakkutillinernik illuartitsinissamut aarlerinaat annertunerpaajusartoq.

Nuussinernik nalinginnaanngitsunik immikkut maluginiagassanik naammattuugaqanngilagut.

Aqutsisut nakkutillinernik illuartitsinerisa kingunerannik ukiumoortumik naatsorsuutini amigaatinik imaluunniit kukkunernik paasisaqanngilagut.

### **3.3.1. Peqquserluutaasinnaasunut aarlerinaatit**

Kukkunersiuinermut pilersarusiornitsinnut atasumik kommunimi allaffissornermik aqutsisut aperaavut, taakkua peqquserluutaasinnaasunut aarlerinaatit pillugit naliliinerat.

Aqutsisut uagutsinnut ilisimatitsipput, aqutsisut naliliinerat naapertorlugu peqquserluutaasinnaasunut annermik aarlerinaateqanngitsoq, aamma kommunitut aaqqissuussaq nakkutillinermik suliaasaqarfimmik pitsaasumik ingerlatsisoq, ukiumoortumik naatsorsuutini kukkusumik paasissutissinermik malunnaatilimmik aarlerinaammut qulaajaasinnaasumik, tassunga ilanngullugu naatsorsuutini ukapaatitsinerup imaluunniit kommunitut aaqqissuussap pigisaanik atornerluinermik paasissutissinermut kukkusumut qulaajaasinnaasooq.

Peqquserluutit imaluunniit peqquserluutaasinnaasut pillugit misissuinernik ingerlanneqartunik aqutsisut ilisimasaqanngillat.

Oqaatigissavarput ukiumoortumik naatsorsuutini kukkunersiuinitsinni peqquserluttoqarsimanera pissutigalugu kukkunernik paasisaqannginnatta.

## **3.4. IT-mik atugaqarneq aamma IT-mik nakkutilliissutit nalinginnaasut**

IT-mik nakkutillinerit nalinginnaasut tassaapput nakkutillinerit aqutsisunit pilersinneqarsimasut, kommunitut aaqqissuussami it-mik atuinnermi pingaarutilinni aamma taakkununga attuumassuseqartuni, itmik atuinnermi nakkutilliiluarnermik peqarniarluni, tassunga ilanngullugu it-mik tunngaveqarluni suleriaatsit atorlugit paasissutissanik passussineq uppersassusilik isumannaatsorlu pigisinnaajumalugit pilersinneqarsimasut.

Kommuneqarfik Sermersuumik kukkunersiuinermut atasumik Deloittemit it-mik nakkutilliissutit nalinginnaasut toqqakkat ilusilersorneqarnerat atuutsinneqarnerallu nalilersorpai, it-mik nakkutilliissutit ukiumoortumik naatsorsuutini eqqortunik paasissutissiilluni kukkunernik malunnaatilinnik tunniussisoqannginnissaanut atorneqartut, aamma inatsisitigut piumasaqaataasut. Nakkutillinerit suliamik ingerlatsinerisa pitsaassusiannik uagut misileraanermik ingerlatsinngilagut.

Kukkunersiuinerup ataatsimut katinnerata tunngavia ilaatigut suliffeqarfimmi nammineq nakkutilliissutitut naapertuuttunut tunngassuteqarpoq, tassunga ilanngullugit inuit nakkutillineri aamma suliffeqarfimmi atuisunut aaqqissuussat atorneqartut atorlugit nammineq isumagisumik nakkutilliissutit. It-mik nakkutilliissutit nalinginnaasut misissorneqarneranni atuisunut aaqqissuussat ataasiakkaat nakkutillinerisa isumannaallisagaanerisalu pitsaassusiat nalilerneqanngillat, taakkununga ilanngullugit allaffissornermi ingerlatseriaatsit aamma aaqqissuussanut isersinnaasut pisinnaatitsissutaat taamaaliorlutik niuerneramik sulianik ingerlatsinnaasut, taakkununga ilanngullugit nammineq isumagisumik nakkutillinerit kukkunersiuinermi misissorneqanngillat. Aamma oqaatigineqassaaq nakkutillinerit nakkutilliiluarnerannik uppersaasannermik ingerlatsisoqanngimmat.

Kukkunersiuinermut atasumik kommunitut aaqqissuussap it-mik atuineranut ilisimasavut nutarterpavut, it-mik nakkutilliinermik suliaasaqarfik aamma ukiumoortumik naatsorsuutini kukkunernik malunnaatilinnik pigisaqarsinnaaneranut aarlerinaammik nalinginnaasumik naliliisinnaajumalluta. Taamaattumik it-mik nakkutilliissutit nalinginnaasut ilusilersorneqarnerat aamma atuutsinneqarnerat misissorpavut.

Aqqissuussat taakkua pingaarnertut tassaapput:

- Axapta/Prisme (aningaasaqarnermik naatsorsuuserineq)
- MR-løn (akissarsialerineq)

Kommuneqarfik Sermersuumi IT-mik nakkutilliissutini nalinginnaasunik toqqakkanik kukkunersiuinermut tunuliaqutaralugu, suliaasaqarfiit tulluuttut pitsanngorsaavigineqartariaqartut suussuser-sivagut:

- Innersuussutigaarput, atuisut tamarmik inuttaasa kikkuneri kinaassusersineqarsinnaassasut aamma atuisunut tamanut atuisutut ilisarnaammik nammineq pigisamik pilersitsisoqatassasq. Atuisutut ilisarnaat ataatsimoorussa atorneqassappat, kikkut atuisuunersut naammattumik paa-siuminarsagaasariaqarpoq
- Innersuussutigaarput atuisunik atorunnaarsitsisarneq soraarnermi piffissaq eqqorlugu pisaqqullugu
- Innersuussutigaarput, aaqqissuussanut sulianillu ingerlatsiffinnut pisinnaatitsissutit tunniussat piffissakkuutaartumik nalileqqinneqarnerannik uppersaasoqartaqqullugu
- Innersuussutigaarputtaaq, atuuffiit/pisinnaatitsissutit suut akuliullugit pigineqarnerannik nalu-naarsuinermik suliaqartoqaqqullugu, taamaaliornikkut atuuffinnik immikkoortitsisinaannginneq tunngavigalugu ajoqusiisinnaasumik kinguneqartitsisoqaqqunagu aamma taakkununnga pisin-naatitsissutini tunniussisoqartannginnissaa siunertaralugu
- AX aamma MR Løn-imi malittarinninnermik aamma allannguutini suliaqarnermi pisortatigoor-tumik periusissianik suliaqartoqartariaqarpoq atuutsitsisoqarlunilu, taamaaliarluni Kommuneqar-fik Sermersooq Change Managementimik ingerlatseriaammik peqataatinneqarsinnaaqqullugu
- Innersuussutigaarput, Namminersorlutik Oqartussanik isumaqatigiissutini aalajangersimasunik isumaqatigiissuteqartoqaqqullugu, taakkununnga ilanngullugit avataanit pisiartarfinnit Comby aamma Fujitsu, suliaasaqarfiit avataanit suliarineqartartut pillugit kukkunersiuisunit uppersaasatit pissarsiarineqarsinnaaqqullugit.

***Taamaattumik suliaasaqarfimmu kukkunersiusutut oqaaseqaaterput attatiinnarparput, in-nersuussut 2.3.5 naapertorlugu.***

## **3.5. Aningaasaqarnermik kukkunersiuinermi immikkoortut pingaarutillit**

### **3.5.1. Inatsisit naapertorlugit atuisunut tapiissutit aamma Namminersorlutik Oqartussanit utertitat**

Inunnut nuussinerit tassaapput isumaginninnermut inatsisit naapertorlugit inunnut tapiissutit arlalip-passuit.

Misissugassanik tiguisarluta kommunip tapiissutit tunniussai taakkualu piffissalersorneqarnerat inatsisitigullu tunngavissaat nakkutilliffigaavut.

Soorlu inatsisit atuutsinneqarnerannik kukkunersiuinermut immikkoortumi takuneqarsinnaasoq kukkunersiuinermi paasivarput, aningaasartuutini akiliuteqarnermi tunngavissaq akuttunngitsumik amigartumik uppernassuseqartartoq.

### **3.5.2. Akissarsiat aamma sulisoqarnermut aningaasartuutit**

Suleriaatsit aaqqissuussat aamma nammeneq nakkutilliinerit kukkunersiuinermi nalilersorneqarput.

Taakkua saniatigut nakkutilliiffigaarput, akissarsianik aamma inissitsit akissarsianut tunngasuteqartut kommunimi naatsorsuuserinermik periuseq atorineqartoq naapertorlugu eqqortumik piffisalersugaanerat.

Tassannga naliliinermi, akissarsialerinermi aaqqissuussaq naapertorlugu, akissarsiatut tunniussat (innuttaasunut isumaginninnikkut tapiissutitut tunniunneqarsimasunik aamma imalik, tak. immikkoortoq 4.6.7) aamma Sulinalimut nalunaarutigineqartut kiisalu aningaasaqarnermi modulimi akissarsiatut naatsorsuuserinermik ingerlatsiffigineqartut tassaasut tunngaviusumik nakkutilliineq.

Ulloq 31.12.2021 nalogiissitsinermik tigusaqarpugut, taassuma ersersippaa AX-imi, akissarsialerissummi paasissutissat aamma Sulinal-imut nalunaarutigineqartut akornanni pingaaruteqanngitsumik nikingasoqartoq. Aammattaaq ilisimatinneqarpugut, ukioq 2021 tamakkerlugu qaammammut nalogiissitsinermik ingerlatsisoqartartoq.

Siusinnerusumut assingusumik sulianik ataasiakkaanik kukkunersiuinermik ingerlatsivugut, taakkua Inatsisit atuutsinneqarnerannik kukkunersiuinermi immikkoortumi 4.4-mi ilaapput.

### **3.5.3. Sanaartornermi aningaasartuutit aamma isertitat**

Kukkunersiuinermi ilanngunneqarpoq suleriaatsit aaqqissuussat aamma nammeneq nakkutilliinerit nalilerneqarnerat.

2020-mi naatsorsuutini sanaartornermut aningaasartuutini kukkunersiuinermi kukkuneq ilanngaataqanngitsaq 4 mio.kr.-inik nalilik paasineqarpoq, taanna 2021-mi naatsorsuutini naqqinneqarpoq, aamma taamaattumik taakkua ukiuni siusinnerusuni inissitsikkanit malunnaatilimmik sunnerssimaneqarput. Immikkoortoq 3.7 kukkunerit iluarsineqanngitsut innersuussutigaaavut.

Suliassaqaarfik misissugassanik tiguisarluni itisiliilluni kukkunersiorneqarpoq. Immikkoortumi 2.3.11-mi kukkunersiuusut oqaaseqaataat innersuussutigissavagut sanaartornermi aningaasartuutini aamma ingerlatsinermut aningaasartuutini kontonut inissitsiserinermut tunngasoq.

Taakkua saniatigut sanaartornermi inissitsikkanik kukkunersiuineq allanik oqaaseqaasiornissamut tunngavissiiingilaq.

### **3.5.4. Oqimaaqatigiissitsinermi inissitsikkanik immikkoortiterineq**

Naatsorsuutinit skemanik atuneq pillugu assigiissaakkamik periuseqarnissaq sulit atugaalinngilaq, tamanna ilaatigut isumaqarpoq, naatsorsuutini inissitsikkat atiat aallaavigalugu naatsorsuutigineqartussagaluani allaanerisumik inissitsikkat arlaqartut immikkoortiterneqartatut. Assersuutitut taaneqarsinnaapput:

- Innuttaasunit aamma suliffeqarfinnit pissat 265 mio.kr.-it: imaraat suliffeqarfinnit namminermi pissat kommuni akimorlugu immikkoortortanit allanit pissat 12 mio.kr.-it.
- Namminersorlutik Oqartussanit pissat 227 mio.kr.-it: imaraat 1,8 mio.kr.-it suliffeqarfinnit namminermi pissat (kommunimi immikkoortortanit pissaqatigiissutinit akiliutit). Suliffeqarfinnit namminermi pissat sinneri (12 mio.kr.-it tassaapput "innuttaasunit aamma

suliffeqarfinnit pissat). Suliffeqarfinmi namminermi akiitsut assingusut tassaapput "Namminersorlutik Oqartussanut akiitsut".

- Kommuninit allanit pissat: imaraat, Danmarkimi kommunit pissaat innuttaasunut pineqaatissinneqartunut tunngasut (taakkua "nunani tamalaani oqartussaafeqartut pissaat"-niitussaagaluarpur).
- Innuttaasunit aamma suliffeqarfinnit pissat: imaraat nunatsinni kommuninit allanit pissat kiisalu pissaqaqatigiissutit NCD-mut tunngaasut (pissat suliffeqarfinmut attuumassuteqarfigisamut tunngasussaagaluarpur).
- Innuttaasunut ingerlatsivinnullu akiitsut: imaraat pissaqaqatigiissutit NCD-mut tunngaasut. Taakkua ingerlatsiviit attuumassuteqarfigisat ataanni akiitsunut naatsorsorneqartussaagaluarpur, tassaniipput Nukissiorfiit aamma Asiaq-mut akiitsut.

Oqimaaqatigiissitsinermi inernerup katinnera 2.284.023 t.kr.-it aallaavigalugu naliliivugut, qulaani kukkunerit pingaaruteqanngitsut, kisianni ilisimatitsissutigiumavarput oqimaaqatigiissitsinermi inissitsikkanik immikkoortiterilluni erseqqissaaneq sukateriffigineqartariaqartoq, naatsorsuineri skemat 2022-mit pinngitsooratik atorineqartarnissaat piumasaqaataalernikuummat.

### **3.5.5. Namminersorlutik Oqartussanit pissat**

Inissitsikkani pissat tassaasut inuit namminneq akileraarutaat, ingerlatsiviit akileraarutaat aamma iluanaarutinit akileraarutit allallu. Akileraarutit Akileraartarnermut Aqutsisoqarfinnit nalunaarutinit kiisalu kingusinnerusumik akiliutigineqartunut naligiissinneqarput.

Kukkunersiuisut oqaaseqaataat immikkoortumi 2.3.8 innersuutigaarput tassani Namminersorlutik Oqartussanit pissaqaqatigiissutit naligiissinneqarnerat eqqartorneqarpoq, soorluttaaq immikkoortumi 3.5.9-mi akiitsutut inissitsikkat allaaserineqarneranni.

Innersuussutigissavarput Namminersorlutik Oqartussanut pissaqaqatigiissutit ima aqqissuunneqaqqullugit, sapinngisamik pissaqaqatigiissutit katinnerat suliarineqarsinnaalluni, ilaatigut siunissaq eqqarsaatigalugu Namminersorlutik Oqartussat peqatigalugit naligiissitsinermik ingerlatseriaammik aqqissuussisoqarsinnaaqqullugu, taamaaliornikkut qulakkeerneqarsinnaammat kommunip aamma Namminersorlutik Oqartussat nalunaarsuinerisa imminnut ataqatigiinnerat.

### **3.5.6. Kommuninit allanit pissat**

Pissat pingaarnertut tassaapput Danmarkimi kommuninit pissat pineqaatissinneqarsimasut inissiisarfanniittunut tunngasut (17,8 mio.kr.). Aningaasat Namminersorlutik Oqartussanit pissatut nalunaarsorneqarsimapput. Aningaasat nalingat innuttaasunut Danmarkimi najugaqarfinni pinngitsaalisallutik inissinneqarsimasunut akiliutitut kommunimit akileneqarsimasunut tunngassuteqarput. Danmarkimi eqqartuussivinnik suliamik ingerlatsisoqarpoq, tassani kommunimit saqqummiunneqarluni akiliisussaataaneq ilumut Namminersorlutik Oqartussanit akisussaaffigineqartussaana pillugu, taamaattumik Danmarkimi kommuninut tunngassuteqartutut akiliuteqaqqaarnermi pissanik allattoqarpoq.

### **3.5.7. Ingerlatsivinnit atassuteqarfigisanit pissat**

Naatsorsuutini ingerlatsivinnit atassuteqarfigisanit pissat saqqummiunneqanngillat, kisianni tunngaviatigut naatsorsuutini inissitsikkani "innuttaasunit aamma ingerlatsivinnit pissat" aamma pineqarput, ilaatigut pisortat suliffeqarfiutaannit Namminersorlutik Oqartussat ataanni inissisimasunit (Nukissiorfiit aamma Mittarfeqarfiit) pissat, kisiannili aamma NCD-mit pissat (1.858 t.kr.-it). Nakkutilliiffigaarput NCD-mit pissat ulloq 31. december 2021 naligiinnerat.

### **3.5.8. Pisiniartarfinnut namminersortunut akiitsut**

Inissitsikkaniipput pisiniartarfinnut akiitsut kisianni aamma ingerlatsivinnut pigisanut Iserit aamma NDC-mut akiitsut.

Pisiniartarfinnut akiitsunik nalogiissitsinermik 2021-p ingerlanerani killilimmik ingerlanneqarsimavoq. Avataani akiitsoqarfigisanut toqqakkanut akiitsut nalogiissinneqarnerannik ingerlatsisoqarnissaanik qinnuteqarsimavugut ulloq 31.12.2021 avataanut uppersaatitut atugassamik.

Paasivarput nalogiissitsinermi akuttunngitsumik inissitsikkani aningaasarpassuarnik nalilinni immikkut isiginiagassaqqartartoq, naliliiffigineqarneq ajortunik. Kukkunersuiusutut iliuuseqaqqinnitsivut naammattumik uppersaatissarsivugut, akiligassat eqqortumik naatsorsorneqarsimanerannut, kisianni innersuussutigissavarput akiligassaqqarfigisanut nalogiissitsinerit akulikinnerusumik pisarnissaat suliniarfigeqqinneqartariaqartoq taakkualu pitsaassusiannut tunngasut pillugit aamma.

Aammattaaq ulloq 31.12.2021 fakturat takkuttussat naatsorsuutigisat nalunaarsorneqarnerannik pissarsiniarsimavugut (fakturat akuersissutigineqarsimanngitsut aamma taamaattumik 2021-mi aningaasartuutitut naatsorsorneqarsimanngitsut). Nalunaarsukkat 4,3 mio.kr.-inik naleqarput. Misissugassanik tigusaluta taakkuninnga kingusinnerusukkat akuersissuteqartarneq nakkutilliffigaarput, paasillugulu ikittuinnaat 2022-mi akuersissutitaqartut (aamma aningaasartuutitut nalunaarsorneqartut). Taamaattumik akuersissutit amigaataapput imaluunniit fakturat pisoqqat arlallit pillugit isummernissaq amigaataavoq, taakkua kommunimi akuersissutigineqartussatut ingerlasut akornanni silaannarmiipput. Erseqqinngilaq tassunga pissutaasoq pisiniartarfinnut isumaqatigiinngissutaanersoq imaluunniit suna pissutaarpiarnersoq. Fakturat akuersissutitaqanngitsut tamarmik akuerineqarpata 2021-mut naatsorsuutini aningaasartuutitut tunngasoq 4,3 mio.kr.-imik amigaateqassaaq.

Aammattaaq pisiniartarfinnut aningaasartuutunik akiliuteqarnissamut akuersissuteqartarnerup ingerlasarnerani periuseq misilerarparput. Paasivarput, aningaasaqarnermut aqqissuussami aningaasartuutit siullertut aamma aappaatut akuersissuteqartartumit akuerineqartartut, aamma akuersisartut taakkua aqutsisut aalajangiussaannut naapertuuttumik akuersisartuusut. Taamaattoq oqaatigissavarput akiligassanik suliaqartartut tunngaviusumik paasissutissanut tamanut isersinnaammata, tassunga ilanngullugit pisiniartarfinnut akiliuteqarnermi kontonormunut atorineqartartunut. Tamanna isornarpoq, akiligassanik suliaqartunit pisiniartarfinnut akiliuteqarnivimmik isumagineqarneratarnera pissutigalugu, faktura aningaasaqarnermut aqqissuussami akuerineqareersimatillugu. Tunngaviatigut ass. kontonormut allanngortinneqaraangata allakkamik suliaqartoqartarpoq, kisianni taakkuninnga malitseqartitsinermik imaluunniit nakkutilliinermik aalajangiussamik ingerlatsisoqartanngilaq.

### **3.5.9. Namminersorlutik Oqartussanut akiitsut**

Namminersorlutik Oqartussanut akiitsunik nalogiissitsinermik ulloq 31.12.2021 ingerlatsisoqarsimanngilaq. Suliassaqqarfik pillugu 2.3.8-mi eqqartugarput innersuussutigissavarput aamma suliassaqqarfik pillugu kukkunersuiusutut oqaaseqaativut.

Innersuussutigissavarput Namminersorlutik Oqartussanut pisassaqaqatigiissutit ima aqqissuunneqaqqullugit, ilaatigut pisassaqaqatigiissutit ataatsimoortut naatsorsorneqarsinnaanngoqqullugit, aamma siunissami ima aqqissuunneqaqqullugit Namminersorlutik Oqartussat suleqatigalugit nalogiissitsinermik ingerlatsisoqarsinnaalerluni, taamaaliornikkut kommunip aamma Namminersorlutik Oqartussat nalunaarsugaasa akornanni ataqatigiissoqarnera qulakkeerneqarsinnaalluni.

### **3.5.10. Ingerlatsivinnut atassuteqarfigisanut akiitsut**

Ingerlatsivinnut atassuteqarfigisanut akiitsut tassaapput Namminersorlutik Oqartussat suliffeqarfiutaannut namminersortitanut akiitsut, pingaarnertut Nukissiorfinnut, (5.975 t.kr.) aamma Asiaq (101 t.kr.).



NCD-mut akiitsut inissitsikkani "pisiniartarfinnut namminersortunut akiitsut"-ni inissinneqarsimapput, kisianni ulloq 31. decemberi 2021 pissat 7.599 t.kr.-iupput, ulloq 31.12 NCD-mut akilitit pissutaallutik. Pissat NCD-mik naligiissitsiffigineqarput.

### 3.6. Ukiumoortumik naatsorsuutit

Kommunit ukiumoortumik naatsorsuutini saqqummiussisarnerannut piumasaqaatit Kommunit aamma Namminersorlutik Oqartussat missingersuutaat naatsorsuutaallu pillugit Inatsisartut inatsisaat nr. 16, 28. november 2016-imeersumi aamma kommunit missingersuusiortarnerat, tigorianaateqarnerat, naatsorsuutaat, kukkunersiorneqartarnerat kiisalu karseqarnerat naatsorsuuserisarnerallu pillugit maleruaqqusani allassimapput.

Naatsorsuutit inissitsiterneqartarnissaannut imarisaannullu piumasaqaatit ikittunnguupput taakkualu eqquutsinneqartarnerat misissuiffigaavut. Aqutsisut nalunaarutaat nalilersinnaajumallugu atuarpaput, naatsorsuutini quppernernut 13-67 tunngasut, paasissutissallu tunniunneqartut uagut kommunimik ilisimasatsinnut nallersuulugit.

Aningaasaqarnermut aamma Nunamut Namminermut Naalakkersuisoq naatsorsuuserineq pillugu nalunaarummik nutaamik suliaqarpoq, tassuunakkut aalajangersarneqassaaq skemanut soorluttaaq aqutsisut nalunaaruteqartarnerannut piumasaqaatit erseqqissakkat.

Ukiumoortumik naatsorsuutit tassaapput 2021-mut ukiumoortumik nalunaarut kiisalu ilanngussat ingerlatsinerneq naatsorsuutitut oqaaseqaatinut tunngasut (ilanngussaq 3) .

Taakkua saniatigut sanaartornermik suliniutit naammassisat pillugit nalunaarsuinerneq suliaqartoqarpoq, taakkunani takuneqarsinnaassaaq suliniutinut aningaasaliissutit katinnerisa atukkat katinnerannut sanilliunneqarnerat. Immikkoortumi 2.3.4 kukkunersuiusutut oqaaseqaativut innersuussutigissavagut.

### 3.7. Aqutsisut naatsorsuutini uppersaanaat aamma ukiumoortumik naatsorsuutini kukkunerit iluarsineqanngitsut

Suliassaqarfinnik kukkunersioruminaatsunik kukkunersuinerneq atasumik ukiumut naatsorsuuserifiusumut 2021, pisortat naatsorsuutini uppersaanaatimik tunniussipput.

Nunani tamalaani kukkunersuiusarneq pillugu ileqqussat naapertorlugit ukiumoortumik naatsorsuutini pissutsit iluarsineqarsimanngitsut paasissutissiissutigissavagut

2020-mik kukkunersuiusutut nalunaarutitsinni 2020-mut naatsorsuutitut tunngassut kukkunerit iluarsineqanngitsut arlallit saqqummiuppavut. Kukkunerit 2021-mi iluarsineqarsimappata paarlattuanik kukkunerit 2021-mi iluarsineqarsimanerannik nalunaarsuisoqassaaq. Taamaattoq ukiup naanerani nammineq aningaasaatit tassannga sunnertissimassanngillat, kukkunerit iluarsineqarsimananngippata (pissuseq tamanna liserit-mut tunngatillugu atuuppoq).

| (t.kr.)                                                                         | Inernermik nalunaarsuineq | Pigisat | Akiitsut | Nammeneq aningaasaatit |
|---------------------------------------------------------------------------------|---------------------------|---------|----------|------------------------|
| 2020-mi kukkunerit iluarsineqanngitsut, 2021-mut naatsorsuutitut sunniutillit   |                           |         |          |                        |
| Akiligassanik naligiissitsinerneq nikingassutit                                 | -2.890                    | 0       | 0        | 2.890                  |
| Akigititanik akiliuteqarnermi piffissalersuineq                                 | 2.535                     | 0       | 0        | -2.535                 |
| Akigititanik akiliuteqaaqqusissutit isertitat – piffissalersuinerneq kukkunerit | -2.049                    | 0       | 0        | 2.049                  |
| 2020-mi NCD-p sanaartorfigissaanerme aningaasartuutini akiliutai                | -17.757                   | 0       | 0        | 17.757                 |

|                                                                                        |                |                  |                 |                   |
|----------------------------------------------------------------------------------------|----------------|------------------|-----------------|-------------------|
| 2020-mi nalinik qaangiilluni fakturanut tunngasut NCD-mit pissarsiat                   | 20.839         | 0                | 0               | -20.839           |
| Namminersorlutik Oqartussanik pissaqaqatigiissutit                                     | -5.257         | 0                | 0               | 5.257             |
| <b>2021-mi naatsorsuutini kukkunerit iluarsineqanngitsut</b>                           |                |                  |                 |                   |
| Iserit-imut akiitsunut tunngasut                                                       | 4.200          | 0                | -4.200          | 0                 |
| <b>Kukkunerit iluarsineqanngitsut katillugit</b>                                       | <b>-379</b>    | <b>0</b>         | <b>-4.200</b>   | <b>4.579</b>      |
| Ukiup naanerani nammineq aningaasaatinut inernerit ilanngullugit katinnerani sunniutit |                |                  |                 | 4.200             |
| Ukiumoortumik naatsorsuutini kukkunerisukkani kisitsitsit pingaamerit                  | <b>-70.394</b> | <b>2.284.923</b> | <b>-207.306</b> | <b>-2.077.617</b> |
| Kisitsitsit pingaamerit kukkunerit iluarsineqartut                                     | <b>-70.773</b> | <b>2.284.923</b> | <b>-211.506</b> | <b>-2.073.417</b> |

(-) = isertitat/akiitsut

\*1 Pissaqaqatigiissutit Iseritsip aamma kommunip akornanni pissaqaqatigiissutit isumaqatigiinngissutaapput aamma aningaasartuutiviusoq amigaataasoq taamaattumik 0 aamma 4,2 mio.kr.-it akornannippoq. Aningaasartuut taanna kommunip naatsorsuutaanut ilanngunneqanngippat, taava Iseritip naatsorsuutaanni aningaasartuut pineqassaaq.

Ulloq 31.12.2021 pisiniartarfinnit akiligassat akuersissutitaqanngitsut 4,3 mio.kr.-iupput – aamma taamaattumik 2021-mut naatsorsuutini aningaasartuutit 90 aamma 4,3 mio.kr.-inik nalillit amigaataasinnaanerit aarlerinaatitaqarpoq. Immikkoortumi 3.5.8 eqqartorneqartoq innersuussutigaaqarput.

Qulaani taaneqartup saniatigut sanarfinermi aamma ingerlatsinerup ataani suussusersisanik immikkoortiterinermi kukkuneq paasineqarpoq. Taannali katinnerani inerniliussamut sunniuteqanngilaq. Immikkoortumi 2.3.11 eqqartorneqarnera innersuussutigaaqarput.

Naatsorsuutit pillugit paasissutissani kukkunernik iluarsineqanngitsunik aamma amigaatinik paasisaartoqanngilaq.

### 3.8. Sillimmasersimanermut tunngasut

Uagut kukkunerisuiunitsinni kommunitut aqqissuussap sillimmasersimaneranut tunngasut ilanngunneqanngillat. Innersuussutigissavarput kommunitut aqqissuussap minnerpaamik ukiumut ataasiarluni sillimmasiisarfik imaluunniit isumaqatiginninniartartoq peqatigalugu sillimmasersimanerup katinneranik misissuisaqqullugu, sillimmasikkat il.il. nalilernerqarnerat siunertaralugu, tassunga ilanngullugit sillimasikkat naammattumik matussuserneqarsinnaanersut, aamma kommunitut aqqissuussaq suliassaqqarfinnik immikkut ittunik sillimmasiinnissaminut amigaateqarsimasinnaanersaq paasiniallugu.

Ukiumik naammassinninnermut atasumik kommunitut aqqissuussaq ajoquserneqassagalarpat naammattumik sillimmasersimanertut naatsorsuutigisat naapertorlugit, naammattumik sillimmasersimaneq ulluinnarni aqutsisunit uppersaqqaarput.

# 4. Inatsisit atuutsinneqarnerannik kukkunersiuineq

**Inatsisit atuutsinneqarnerannik kukkunersiuinermi misilerarneqartarpoq inatsisit, malittarisassat nalinginnaasumik ileqqusat eqquutsinneqarnerat.**

Pisortat Kukkunersiorneqartarnerannut ileqqussat (Standarderne for Offentlig Revision (SOR) naapertorlugit pinngitsoorani kukkunersiuinermik ingerlatsiffiqineqartussat ukiut tallimat iluanni pilersaarut kaaviiartoq atorlugu misissorneqartarput.

Aarlerinaatinik pingaaruteqarsorisatsinnillu naliliinivut tunngavigalugit pilersaarummik kaaviiartumik suliaqarpugut.

| Pilersaarummi sammeneqartut                                                                              | Ingerlanneqare-<br>erput | 2021 | 2022 | 2023 | 2024 | 2025 |
|----------------------------------------------------------------------------------------------------------|--------------------------|------|------|------|------|------|
| Neqeroorteqartitsinermi inatsimmik pisiniartarnermilu politikkiniq eqquutsitsinerit *                    | 2021                     | X    | X    | X    | X    | X    |
| Akissarsianut- aamma atorfinitsitsinernut illuartitat *                                                  | 2021                     | X    | X    | X    | X    | X    |
| Tunisinermi malittarisassatut tunngavissat nakkutilliffiqineqarnerat *                                   | 2021                     | X    |      | X    |      |      |
| Oqartussaaffeqartut akitsuutiniq akiligassiinerannut malittarisassanik eqquutsitsineq *                  | Pisariaqanngilaq         |      |      |      |      |      |
| Tapiissutiniq agguassinermi malittarisassatut tunngavissamik eqquutsitsineq *                            | 2021                     |      | X    |      | X    |      |
| Pisinnaatitaaffittut aalajangiussat tunngavigalugit nuussinerit *                                        | 2021                     | X    | X    | X    | X    | X    |
| Akuersissuteqarnermik malittarisassanik, taarsigassarsitsinermi malittarisassanik il.il. eqquutsitsineq. | 2021                     | X    | X    | X    | X    | X    |

\* Pisortat kukkunersiorneqartarnerannut ileqqussat naapertorlugit sammisassatut pilersaarut. Iliuuserineqartut itisilerneqarnerat ukiumit ukiumut nikerarput, tamanna (x) ilisarnaateqarpoq. Sammisassat ilanngussatut toqqagaappat ungaluuteqarani (), pingaaruteqassusianik – aamma aarlerinaateqarneranik naliliineq tunngavigalugu suliaasaqarfik toqqarneqassaaq, tassani ataani iliuuserisat nakkutilliffiqineqassapput.

## 4.1 Killiliineq

Ukiuoorutut naatsorsuutitut tunngatillugu inatsisit atuutsinneqarnerannik kukkunersiuinermi pingaarnertut aqqissuussat ingerlatseriaatsillu pilersinneqarsimasut nakkutilliffiqineqartarput.

Aamma suliaasaqarfittu ataasiakkaat misissugassanik tiguisarluta nakkutilliffigaavut, paasiniaarlugu suliaasaqarfitti suleriaatsit qanoq issusiat kisianni aamma suliani, toqqakkani inatsisit malittarisassallu eqquutsinneqarnerannik nakkutilliumalluta.

Inerniliussagut taamaallaat sulianut nakkutilliiffigisimasatsinni inatsisinik malittarisassanillu eqquut-sitsisimanermut tunngassuteqarput.

## 4.2 Nakkutilliinermik suliaasaqarfik

Nakkutilliinermik suliaasaqarfimmi ilaatigut qulakkeerneqartussaapput inatsisinik, malittarisassanik, isumaqatigiissutitut atuuttunik aamma ingerlatsivimmi pissutsinut nalinginnaasunut tunngasut, soorlu makkuusut:

- Sulianik ingerlatsinerni inatsisit, malittarisassat assigisaallu malinneqartut ilisimaneqarnerat
- Ingerlatsivimmi kukkusoqarsinnaanernut aamma amigaaqarsinnaanermut ilisimasaqarluni isummersimaneq
- Inatsisit, malittarisassat assigisaallu eqquutsinneqarnerannik iliuutsinik qulakkeerinnis-sutaasunik pilersitsineq
- "qullersat piumasaqaataat" aamma iliuutsit aallartinneqarsimasut ingerlatsivimmi sulinermi kissaatigisatut sunniuteqarnerannik malittarinneq

Inatsisit, mattarisassat assigisaasalu eqquutsinneqarnerat ingerlatsivinnit ataasiakkaanit akisus-saaffigineqarpoq. Sulineq qitiusumik suliniutinit, soorlu assersuutigalugu journalilerissutinit aamma pikkorissarnertut suliniutinit tapersersorneqarpoq.

Sulianik ingerlatseriaatsini ataasiakkaani pitsaassutsimik qulakkeerinninneq ilareerpoq, tunngavius-satut aalajangiussaalluni aalajangiinerni inuit minnerpaamik marluk peqataatinneqartassasut. Aala-jangiinerni pingaarutilinni katitigaasunilu ingerlatsivimmi aqutsisoq peqatatinneqartassaaq.

Attuumassuteqannginnermut malittarisassat, allattuisussaaitaanermut malittarisassat allallu anner-tuumik pingaartinneqarput. Taamaakkaluartoq uagut ingerlatsinermik kukkunersiulluta misissuiner-mik angisuumik ingerlatsinitta ersersippaa taakkununga tunngassuteqartunik iliuuseqarnermi nu-kittorsaanissaq pisariaqarsinnaasoq.

Taamaattumik sulissinerup pitsaassusianik aaqqissuussamik aamma aaqqissuussaasumik misis-suilluni uuttuinnermik periuseqartoqanngilaq, tassunga ilanngullugu attuumassuteqannginnermut aamma uppersaasinnaanermut piumasaqaatinik eqquutitsineq (aqutsisut sulianik nakkutilliine-rat).

### Innersuussut

Taamaattumik innersuussutigissavarput, qitiusumit eqqarsaatersuutigeqqullugu inatsisinik malit-tarisassanillu eqquutitsinermik suliap pitsanngorsarneqarsinnaanera. Tamanna assigiinngitsumik ingerlanneqarsinnaavoq, tassunga ilanngullugu pitsaassutsimik nakkutilliineq (aqutsisut nakkutil-liinerat). Tunngavissaq uppersaasatitalik ilaatigut sullissinerup pitsaassusianut naliliissutaasin-naavoq, ilaatigut tunngavissaq pitsaasoq immikkut suliniuteqarnissamut pisariaqartitsinermik soorlu ilinniagaqarnermik, aaqqissuussamit tapersersorneqarnermik aamma suliaasanik naam-massinninnermut aaqqissuussinernut assigisaannullu naliliissutaasinnaasoq.

## 4.3 Pisiniarnermi neqerooruteqartitsisarnermik inatsimmik aamma pisiniartarnermi politikkinik eqquutitsinerit

### Siunertaq

Pisiniarnermi neqerooruteqartitsisarnermik inatsimmik aamma pisiniartarnermi politikkinik kukkunersiuinermi, neqerooruteqartitsisarnermi killiliussat eqquutitsinneqarnerat pingaartinneqarput.

Pisortat oqartussaaffigisaanni suliffeqarfinnilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juni 2019-meersumiippat aamma Sanaartornermik suliaasaqarfinni neqerooruteqartitsineq pillugu malittarisassat Sanaartornermi neqerooruteqartitsisarneq pillugu Inatsisartut inatsisaat pillugu Namminersorlutik Oqartussat nalunaarutaat nr. 9, 19. august 2021-meersumiippat.

### Annertussusia

Nakkutilliineq ilaatigut tulluittunik naliliinermik imaqarpoq;

- Pisiniarnermut politikkinik suliaqartoqarsimanera, pisiariniakkat suussusiannik annertussusiannillu erseqqissaatitaqartunik
- Politikkini suleriaatsinilu erseqqissumik allaaserineqarsimanera pisiniarnermut atasumik akissusaaffinnik agguataarisimaneq, tassunga ilanngullugit pisiniarnerit assigiinngitsut pillugit periaatsinik naliliinermi suut killiliussatut inissinneqarsimanersut
- Aningaasartuutunik akuersissuteqarnermi akuersissuteqartarnermi periutsimik inissiisoqarsimnersoq, kiisalu periusissaq taanna naapertorlugu ingerlatsisoqartarnersoq.

### Paasisat

Paasivarput pisiniarnermi najoqqutassaqaartoq neqerooruteqartitsisarnermi inatsimmut naapertuutsumik kiisalu kommunip nammeneq pisiniartarnermut politikkia 2015-meersoq naapertorlugu ingerlatsisoqartartoq.

Pisiniarnermik ingerlatsinerni neqerooruteqartitsisarnermut inatsimmi, pisiniartarnermut politikkimisigisaanilu killiliussatut tunngaviusut, aqutsisunit naapertuutinngitsumik iliuuseqarfigineqarsimanerannik paasisaqanngilagut. Aqutsisut pisiniarnermik ingerlatsinerisa sipaarsinnaassuseqarnermik tunngaveqarnerata qulakkeerneqarsimaneranut uuttortaanermik toqqaannartumik misileraalluta nakkutilliisinnaasimanngilagut. Taamaattoq ingerlatsinermik akissusaasut aningaasaqarnermik naapertuutinngitsumik ingerlatsisimanerannut assingusunik paasisaqanngilagut.

## 4.4 Akissarsianut- aamma atorfinitsitsinernut illuartitat

### Siunertaq

Akissarsianut- aamma atorfinitsitsinernut illuartitanik kukkunersiuinermi pingaartinneqarput:

- Isumaqatigiissutit allannguuteqartilugit aqqissuussani akigititanik nutarterineq

- Isumaqatigiissutit naapertorlugit akissarsiasat eqqortumik inissinneqarnerat, ukiut suliffigisimasat naapertorlugit eqqortumik naatsorsuinerit kiisalu tapisiaasinnaasunut uppersarne-
- Akissarsianik naatsorsuinerit aamma nalunaarutiginninnerit eqqortut

### **Annertussuseq**

Kommunip akissarsialerinemik suliassaarfiani suleriaatsit misissuiffigaavut, misissugassanik tiguisarluta ilaatigut naakkutilliffigalugit:

- Inuit toqqakkat pillugit atorfininnermi allakkanik atsiukkanik peqarneraq,
- Sulisut pillugit suliani toqqakkani ilinniarsimanermut pisariaqartumut / piginnaasatut naatsorsuutigisanut aamma siusinnerusukkat suliffigisamit uppersaatit pisariaqartut pigineqarnerat,
- Atorfinitinneqarneraq, akissarsiat inissinneqarnerat aamma soraarsitaaneq eqqortumik aamma suliassanut taakkununga pisinnaatitaasunit ingerlanneqartarnerat,
- Sulisut soraarnerussutisiaqalernissamut eqitigaat eqqortumik akiliutigineqartarnerat,
- Tapisiat aamma tapit isumaqatigiissutit naapertorlugit aaqinneqartarnerat aamma inatsisit atuuttut naapertorlugit tunniunneqartarnerat,
- Akunnermusialinnut akiliutit akunnerit suliffigisimasaat nalunaarsorneqarsimasut atsiukkat naapertorlugit tunniunneqartarnerat,
- Akissarsiat akissarsialerissummut eqqortumik nalunaarsorneqartarneraq aamma nalunaarutiginninneq siunertarineqartutut sunniuteqarneraq,
- Akileraartarnermi inatsimmi sulinngiffeqarnermut atasumik angalaneq, utaqqiisaasumik ineqartitaanerup akileraarutaasusnaanera allallu akeqanngitsumik tunniussat allat malittarineqarnerat.

Akissarsialerissummit kommunimi ingerlatsivinnit assigiinngitsunit qaammammusialinnut akissarsiatut suliak toqqakkat nakkutilliffigaavut. Akissarsiat nakkutilliffissatut toqqakkat tassaapput politikarit, aqutsisut, akissarsialeriffimmi naatsorsuuserisut aamma allani atorfillit akissarsiaat, ilaatigut ukiumi pineqartumi nutaatut sulilersut aamma suliunnaartut kiisalu kommunimi illoqarfinni assigiinngitsuni sulisut.

Inunnut toqqakkanut akissarsiatut tunniussat, tapit, ullormusiat, aaqqiissutit assigisaallu akissarsialeriffimmi suliak pillugit paasissutissat ilanngullugit misissorpavut aamma nakkutillissutitut atortus-

satut tigusaatsinnut nallersuullugit, tassaasut; akissarsiat pillugit isumaqatigiissutit, akissarsiat nalunaarsorneqarnerat aamma aalajangiinerit aalajangersimasut pillugit kaajallaasitat il.il.

### **Paasisat**

Misissugassatut tigusaatsinnit akit nalingini kukkunernik malunnaatilinnik paasisaqanngilagut.

Sulianik sulisunut tunngasunik nakkutilliitsinni aamma akissarsiatut tunniussanik qulaajaanitsinni siusinnerusukkat kukkunerit aamma amigaatit pisartut takuagut, kisianni taakkua ikilisinnissat anguniarlugu illuatungeriit aningaasanik tunniussinerni tunngavissanik suliallit oqaloqatigiittarneri aqqutigalugit suliniarfigineqarput.

Amigaatit pingaarnerit tassaapput tapisiatut tunniussanut uppersaarnert amigaataanerat, tasunga ilanngullugu ukiut suliffiusimasut amerlassusiat aallaavigalugit tapisiat, piginnaasaqarnermut tapisiat aamma akissaatersuutit ataasiartamik tunniussat.

Uagut paasinnattaaserput naapertorlugu aqqissuussami aamma suliassaqaarfiit akornanni allann-guisoqarsinnaavoq ingerlatseriaatsinik isorinnittumik misissuineq, periutsinik atuneq taamatullu suliassanik agguataarineq aqutigalugit, taamaaliornikkut kukkunerit amerlassusiat ikilisinneqarsinnaapput soorluttaq akissarsialerinermit piffissaq atorineqartoq malunnaatilmik sivikillisinneqarsinnaavoq.

## **4.5 Tunisinermit malittarisassatut tunngavissat nakkutilliiffigineqarnerat naatsorsuutigisatullu malinneqarnerat**

### **Siunertaq**

Tunisinermi akuersissummik pisariaqartumik peqarneq aamma killiliussat iluanni ingerlatsineq – tunisinernut assigiinngitsunut atuuttunik, taakkua ataanni pingaanertut inatsisitigut tunngavissat aamma akinik inissiinermik kukkunerisuiineq.

### **Annertussusia**

Nakkutilliinermi ilaatigut tulluittunik naliliinermik imaqarpoq:

- Fakturaliornerni akigitat atorineqartut akigitat pillugit politikikkut akuersissutigineqarsimasut akigitat nalunaarsorneqarfianniittunut assingunerat aamma fakturalerineq taanna eqqortumik naatsorsuuseriffigineqarluni eqqortumik piffissaligaasimanersoq

Nakkutilliinitsinni isertitat naatsorsuutini inissitsikkat "akigititanik akileeqqusissutit" ataanni isertitat 54 mio.kr.-inik ersersitsinerat pingaarnersiorlugu misissorparput.

### **Paasisat**

Isertitat akigititanut tunngasut oqaaseqaasiornissamut tunngavissiiingillat.

## **4.6 Pisinnaatitaaffittut aalajangiussat tunngavigalugit nuussinerit**

### **4.6.1 Isumaginninnermit inatsit**

Suliassaqaarfinni Namminersorlutik Oqartussanit utertitsinernik ingerlatsiffiusuni kommunip kukkunerisuiuatut inatsisit tunuliaqutaasut eqquutsinneqarnerat nakkutilliiffigisussaavagut.

Inuit ataasiakkaat ataanni naatsorsuuserinermik ingerlatsineq Namminersorlutik Oqartussanit utertitsisoqarnissaanut piumasaqaatinut tunngaviuvoq – taassuma saniatigut innuttaasunut tapiissutit ineriartornerannut naliliinermi tunngavittut atorineqartarpoq.

Pingaarnertut isiginiartussaavarput:

- innuttaasunut ikiorsiissutit inatsisit malittarisassallu atuuttut naapertorlugit akuersissutigineqartarnerat
- ikiorsiissutit kontonut eqqortunut inissinneqarsimanerat aamma
- taamaattumik aningaasartuutininik taakkununga utertitsisinnaanermut tunngavissaqarneq aamma eqqortumik utertitsineq

Suliassaqarfinni suliamik ingerlatsinerup pitsaassusiannik qulakkeerinninneq nalinginnaasoq aqutsisunit suli tamakkiisumik ingerlanneqalinngilaq.

Taamaattoq oqartussaasut aalajangiinerisa pitsaassusiannik qulakkeerinnermik ilaatigoortumikingerlatsisoqatsiartarpoq, aamma innuttaasunut akiliutaasartut aningaasartaannik naatsorsuinernut tunngaviit qulakkeerineqartarput.

Kukkunersiuneq ingerlanneqarpoq suliata ataasiakkaat 212-it nakkutilliiffigineqarnerisigut (CPR-normup ataatsip iluani suliata ataasiakkaat arlaqarsinnaapput).

Kukkunersiunerup inernera imaappoq:

| Ikiorsiinermik suliassaqarfik                           | Suliat tiguneqartut amerlassusiat | Suliat malunnaatilinnik kukkuneqanngitsut | Kukkunerit amerlassusiat akiliuteqarnermi utertitsinermiluunniit annermik kinguneqanngitsut | Kukkunerit pingaarutillit amerlassusiat akiliuteqarnermi utertitsinermiluunniit pingaarutillit |
|---------------------------------------------------------|-----------------------------------|-------------------------------------------|---------------------------------------------------------------------------------------------|------------------------------------------------------------------------------------------------|
| Pisortanit ikiorsiissutit                               | 22                                | 8                                         | 14                                                                                          | 0                                                                                              |
| Pisortanit ikiorsiissutit utertillugit akileneqartussat | 18                                | 6                                         | 12                                                                                          | 0                                                                                              |
| Inummut tapit                                           | 34                                | 10                                        | 24                                                                                          | 0                                                                                              |
| Ataasiartamik ikiorsiissutit                            | 16                                | 9                                         | 7                                                                                           | 0                                                                                              |
| Innarluutillit                                          | 9                                 | 7                                         | 2                                                                                           | 0                                                                                              |
| Utoqqalinersiat                                         | 12                                | 10                                        | 2                                                                                           | 0                                                                                              |
| Suliffissaaleqinermi ikiorsiissutit                     | 4                                 | 4                                         | 0                                                                                           | 0                                                                                              |
| Erninerup atasumik pisartakkat                          | 5                                 | 4                                         | 1                                                                                           | 0                                                                                              |
| Boligsikringi                                           | 55                                | 44                                        | 5                                                                                           | 6                                                                                              |
| Suliffeqarnermik sungiusarnermi akisarsiat              | 7                                 | 1                                         | 6                                                                                           | 0                                                                                              |
| Nuttarsinnaanermut ikiorsiissutit                       | 6                                 | 5                                         | 1                                                                                           | 0                                                                                              |



|                               |            |            |           |          |
|-------------------------------|------------|------------|-----------|----------|
| Suliffimmik sungiusarneq      | 1          | 1          | 0         | 0        |
| Paarsinermit akissaatersuutit | 8          | 0          | 8         | 0        |
| Ulloq unnuarlu inissiinerit   | 11         | 0          | 11        | 0        |
| Aningaasartuutit allat        | 4          | 2          | 2         | 0        |
| <b>Suliat katillugit</b>      | <b>212</b> | <b>111</b> | <b>95</b> | <b>6</b> |

#### 4.6.1.1 Meeqqat tapersersorneqarnissaannut inatsit

Meeqqanut inuusuttunullu suliaasaqarfimmi unammilligassat pingaarnertut makkununga tunngasuteqarput:

- Nalunaarutiginninnernik isumaginninnerit (akunnerit 24-t iluanni nalunaarutiginninnernit qanoq amerlatigisut isumaginninnikkut misissuinerit ingerlatsiffigineqarnissaat pillugit aalajangiinernik ingerlatsiffigineqartarnersut kisitsisaatigineqanngillat – aamma /imaluunniit isumaginninnikkut misissuinerit ingerlatsiffigineqartussatut aalajangiussanit qanoq amerlatigisut sap.ak. 2 ingerlaneranni aalajangiiffigineqartarnersut.
- Isumaginninnikkut misissuinerit (isumaginninnikkut misissuinerit naammaginanginnerat – aamma taamaattumik inissiinermik aqqissuussinerit akuttunngitsumik pingaarnertut atornerqartarnertat)
- Meeqqanik oqaloqatiginninnerit (suliani amerlanerpaani meeqqanik oqaloqatiginninnerit ingerlanneqarneq ajorput)
- Akuersissutit aamma aqqissuussat akornanni ataqatigiissut (aqqissuussinernik aallartitsisoqarnissaanut sullissisoq tamatigut naammattumik aalajangiisinnaasannilaq – aamma taamaattumik taassuma sioqqullugu akuersissummik).
- Iliuusissatut pilersaarutit suliaqarneq aamma malittarinninneq
- Nakkutilliinissamut pisussaaffik (piumasaqaatinik tamatigut naammassinnittoqarneq ajorpoq soorlu pinaveersaartitsilluni nakkutilliinivimmik ass. inummik nakkutilliinermik aamma ilaqutariit angajoqqaarsiaasartut ingerlatsinerat pillugu nakkutilliinernik)

Uagut paasinninnerput naapertorlugu sullissinerup pitsaassusia pitsanngoriaateqarsimavoq nalunaarutiginninnernik suliaqarnermi, isumaginninnikkut misissuinerit suliaqarnerni aamma meeqqat angerlarsimaffiini inissiinernut tunngatillugu sulianik malitseqartitsinerit.

#### 4.6.1.2 Inersimasut tapersersorneqarnissamik pisariaqartitsisut

Inersimasut tapersersorneqarnissamik pisariaqartitsisut ikiorsiissutit pissarsisinnaapput, taakkua tassaasinnaapput aningaasatigut pisartakkat soorluttaaq sapinngisamik namminneq pilersorsinnaassutimik annerpaamik ingerlatsilernissamut ikiorneqarneq

Ikiorsiinermi innuttaasut ataasiakkaat inuuneranni pissutsit atugaat aamma nukissaat apeqqutaasarpot. Inersimasut tapersersorneqarnissamik pisariaqartitsisut matchgruppini taaneqartartunut agguataarneqartarput:

- Matchgruppi 1 – sulilernissamut piareersimasoq (pilersuisinnaagallarnermut tunngavissaq aamma suliffissarsiornermik ikiorneqartoq)

2. Matchgruppi 2 – suliniarfigineqarnissamut piareersimasooq (piginnaasanik qulaajaanermik ingerlatsineq, siunnersorneqarnermik ingerlatsineq, piginnaanngorsarnermik ingerlatsineq)
3. Matchgruppi 3 – suliniarfigineqarnissamut piareersimanngitsooq

Sulianik nakkutiginninneq innersuussutiniq arlalinnik inerneqarpoq, soorluttaaq sulianik nakkutilliinitsinni kukkunernik amigaatinillu naammattuuisimasugut.

Nalinginnaasumik sulisinnaassutsimik naliliinerit unammillernartuupput, soorluttaaq ajornakusoortoq inuk tamakkiisumik sulisinnaassuseqanngitsooq nammineq qanoq angitigisumik pilersorsinnaanera nalilissallugu.

#### **4.6.1.3 Inuit annertuumik innarluutillit pillugit inatsit**

Inuit annertuumik innarluutillit pisinnaatitaaffeqarput iluaqusersuutiniq, ikorfartortiniq aamma inigisamik tunineqarnissaminut, innuttaasup sapinngisamik nalinginnaasumik inuuneqarsinnaaneranut tapersersuisunik.

Suliassaqarfimmut tassunga uagut aamma tamakkiisumik taamannak isumaqarpugut, suliassaqarfik illersorneqarsinnaasumik allaffissornermik ingerlatsiffigineqartoq, kisianni sulianik nakkutilliineq innersuussutiniq arlalinnik saqqummiussinissamut pissutissiivoq.

Innersuussutit iliuusissatut pilersaarutitut, ikorfartorteqarnissamut akunnernik tunniussanik malitse-qartitsinermut paarlattuanik akunnerit akuersissutigineqartatut atorineqartatut kiisalu neqeroorutiniq naapertuuttunik pilersitsineq – tassunga ilanngullugit pillorissaasut aamma timimik sungiusaasut kiisalu inissiat innarluutilinnut naleqquttut tunngassuteqarput.

#### **4.6.1.4 Suliffissaqartitsineq (Majoriaq)**

Suliffissaqartitsineq Majoriamit aaqqissuussaavoq, tassannga nammineq pilersorsinnaanermut periarfissat qulaajarneqartarput.

Sulianik nakkutilliinerup aamma suliffeqarfimmi sungiusarnissamut soorlu illersugaasumik sulisinnaanernut akuersissutitut tunngavittut allaaserisat ersersippaat, unammilligassaqartoq. Taakkua saniatigut suliffeqarfimmi sungiusarnernut atasumik akissarsianut tapiliussat qaffasissusiannik ingerlaavartumik nalilersuisoqartarpoq.

Sulianik nakkutilliineri pingaarnertut paasineqarpoq sulisinnaassutsimik naliliinerit sukumiisumik ingerlatsisinnaanermut piginnaasanut tunngasut aamma iliuusissatut pilersaarutiniq naapertuuttunik/suliffimmi ingerlatsisinnaanernut pilersaarutiniq suliaqarsinnaanerit pitsanngorsarneqarsinnaasut.

#### **4.1.1.5. Utoqqaat**

Innuttaasut 2021-mi 67-inik ukioqalersut utoqqalinersiaqalersinnaapput. Taakkua saniatigut innuttaasutut utoqqartut angerlarsimaffimmi ikiorteqarnissamut pisinnaatitaapput (inuttut eqqiluisaarnermut, suliassanik isumaginninnermut aamma angerlarsimaffimmi peqqissaasoqarnermut) kiisalu iluaqusersuutiniq atortoqarsinnaanermut – taakkununga ilanngullugit najugarisamik naleqqussaanerit il.il.

Nakkutilliinitsinni pingaarnertut isiginiarpagut utoqqalinersianik tunniussisarneq aamma taakkununga tapisiatut aaqqissuussat.

Taakkununga sulianik nakkutilliineri kukkunerit amigaatillu pingaarutillit naammattoorneqanngillat.

#### 4.6.1.6 Isumaginnittoqarfimmi suliaasaqarfinnik sulianik kukkunersiuinermi eqikkaaneq

Uagut naliliivugut nalinginnaasumik sulianik ingerlatsinerni tulluuttut pitsanngorsaavigineqartariaqartut:

- Suliat pillugit allakkiat aamma nalunaarsuisussaataitaanermut malittarisassanik eqquutsitsineq (innuttaasumik aamma suliamut soqutigisalinnik allanik attaveqartuarnernit uppersaasnerit). Allakkiat ima pitsaassuseqassapput, sullissisup saniatigut inummit allamit erseqqissumik takuneqarsinnaalluni qanga innuttaasoq aamma soqutigisalik alla oqaloqatigineqarsimanersut, suut oqaluuserineqarnersut aamma suut isumaqatigiissutaanersut.
- Misissuinissamut pisussaaffeqarnermi suliaq pillugu paasissutissat (suliamik ingerlatsinerni misissuinernik naapertuuttunik ingerlatsisinnaanermut suliamut piginnaaneqarneq – pingaartumik ajornartorsiutinik katitigaasunik aamma ataasiakkaanik naliliinerit. Assersuutigalugu isumaginninnikkut misissuinerit, sulisinnaassutsimik misissuinerit il.il.). Misissuinerit suliamut piginnaasamik aamma peqqissaarussinermik imaattumik imaqqassapput pissutsit pingaarteqartut tamarmik qulaajarneqarlutik, taamaaliornikkut suliami paasissutissat iliuuseqarnissanut aamma iliuusissatut pilersaarutinik suliaqarnissamut naapertuuttumik tunngaviusinnaallutik aalajangiisuusinnaallutillu.
- Iliuusissatut pilersaarutit aallaavigalugit iliuuseqarsinnaassuseq (iliuutsit sorpiaat innuttaasunut ataasiakkaanut neqeroorutaaniarpaa – aamma innuttaasumut suut naatsorsuutaappat). Iliuusissatut pilersaarutit ima suliarineqassapput innuttaasup suliami susoqarpiassanersooq erseqqissumik takusinnaasariaqarpaa – aamma taamaaliornikkut iliuusissatut pilersaarummi immikkoortukuutaanut nammineq tunniusseqataalluni, (suliffeqarfiimmit imaluunniit avataanit suliamik ingerlatsisunit) ilisimaqqissaassavaat paaseqqissaarlugulu namminneq suliarfik suunersooq.
- Tunngavilersuutit, naliliinerit aamma aalajangiinerni inatsisinut innersuussinerit (tunngavilersuutinik allataqarsinnaassuseq, naliliinerit allaaserineqarnerat tassunga ilanngullugit aalajangiinernut inatsisinut tunngaviusunut innersuussinerit). Aalajangiinerit ima ilusilerneqarsimassapput innuttaasup aamma soqutigisaqartut allat takusinnaasariaqarlugu sooq taamannak aalajangiisoqarsimanersooq. Taanna aamma naammagittaalliteqartoqassagualuarpaa pitsaanerpaamik aalaaviusinnaavoq.
- Malitseqartitsinerit/nalileeqqinnerit (innuttaasup inuunerani atugassarititaasut naliliiffeqqittuarneri aamma taamaaliornikkut ikiorneqarnissamik pisariaqartitsinermik nalileeqqinneq). Nalileeqqinnerit tunngaviusumik ima ingerlanneqartariaqarput, innuttaasup inuunerani atugassarititaasut allannguuteqaraangata – siornatigullu ikiorsiinerit aallartinneqartut innuttaasunut pitsaanerpaajunnaaraangata.

Sulianik kukkunersiuinerup nammineq ersersippaa, suliani amerlaqisuni nakkutilliffigineqartussatut toqqakkani kukkunernik angisuunik imaluunniit mikisunik aamma amigaatinik naammattuuisartugut. Taamaattoq suliaasaqarfinni aalajangersimanerusunik malitassaqaqtuni allani soorlu utoqqalinersiani (tunngavittut aningaasaliissut) aamma ineqarnermut tapiissutini, kukkunernik naammattuuerpiarneq ajorpugut.

Paarlattuani suliamik ingerlatsiffiusussani suliaasaqarfinni aalajangersimannginnerusuni aamma ajornartorsiutini katitigaasunik imalinni suliani amerlasoorpassuarni kukkunernik naammattuugaqartarpugut.

Tassaasinnaapput iliuuserisani amigaatit, piffissaliussanik eqquutitsinnginnerit imaluunniit amigartumik uppersarsaaneq. Aningaasanik ikorsierinut tunngatillugu aningaasanik tunniussinisamat naammaginnartumik pissutissaqannginneq aamma/imaluunniit akigititanik kukkusunik atugaarneq.

Erseqqissaatigineqassaaq tamanna kommunini allani takusartakkatsinnut assingummat.

Aamma oqaatigineqassaaq, suliaasaqarfimmi aqutsisunik aamma sulisunik oqaloqatiginninnerup ersersimmagu, sullissinerup pitsaassusiata ineriartortittuarnera siammasissumik kissaatigineqarmat. Pitsanngorsaatissatut periarfissat tikkuakkavut tigulluarneqarput aamma taakkua ataatsuutinneqarnerannik ingerlaavartumik suliaqartoqarpoq.

**Taamaattumik siusinnerusumi kukkunersiuusutut oqaaseqaatitsinnut assingusumik tassunga tunngasumik oqaaseqaateqaqqippugut.**

#### **4.1.1.6. Aqutsisut suliamik nakkutilliinerat**

Aqutsisut suliamik nakkutilliineranni ilaatigut siunertaavoq sullissinermi suliamut tunngasup pitsaassusianik uuttuisinnaaneq, ilaatigut suliffeqarfimmi ilinniartitsiuarnermut ineriartortitsiuarnermullu tapertaaneq.

Aqutsisut suliamik nakkutilliinerannut atulersitsinissamat suliniutinik ataasiakkaanik aallartitsisoqarpoq, kisianni sulit tamanna aqqissuussaasumik najoqqutassaqaarlunilu ingerlanneqanngilaq.

Tamanna aamma isumaqarpoq aqutsisut nakkutilliinermit ingerlatsinerannit nalunaarutiginninnernik suliaqartoqarneq ajortoq Ingerlatsinermut aamma aningaasanik aqutsinermut najoqqutassiaq naapertorlugu suliaasaagaluartunik.

**Tassunga tunngasoq siornatigut kukkunersiuusutut oqaaseqaasiorfigisarput attatiinnarparput.**

## **4.6 Tapiissuteqarnermi malittarisassanik taarsigassasinermi malittarisassanik il.il. eqquutsitsineq**

### **Siunertaq**

Pisortat suliffeqarfiutaanni tunngavittut malittarisassaavoq aningaasartuutit suulluunniit akilernerqassanngitsut aamma isertitat suulluunniit pissarsiarineqassanngitsut taakkununga akuersissutit pisari-aqartut pigeqqaartinnagit. Taamaattumik siunertaavoq tapiissuteqarnermi- aamma taarsigassasinermi malittarisassat il.il. eqquutsinneqarnerat nakkutilliiffigissallugit.

### **Annersussusia**

Naatsorsuutitut nassuiaatit ukiumoortumik naatsorsuutitut tunngassuteqartut nakkutilliiffigaavut.

### **Paasisat**

2021-mi kommunip aningaasaqarnermi aqutsinerani ingerlaavartumik pitsanngorsaaneqartuarpoq, tassunga ilanngullugit qaammatikkaartumik naatsorsuutitut saqqummiussisarneq, kiisalu kvartalikkaartumik aningaasaqarnermi kommunalbestyrelsemut malitseqartitsisarneq ilassutitut aningaasaliissutinik aalajangiussinissamat tunngavittut atugassanik.

Tassunga tunngaviuvoq isertitat aamma aningaasartuutit siunertat kontoannut eqqortunut inissinneqartarnerannik ingerlatsiuarneq. Paasivarput ukiup ingerlanerani aamma pingaartumik

ukiumik naammassinninnermut atasumik kontonut nuutiterinernik arlalinnik ingerlatsisoqarsimasoq, siunertat akuersissutigineqarsimasut naatsorsuiffiqatigiinnerannik eqqortunik takutitsiumalluni.

Taamaattumik suut tamat katinnerannik uagut naliliivugut, aningaasaliissutit naatsorsuiffiqatigiinneranni tunngavissat 2021-p ingerlanerani malunnaatilinnik pitsanngoriaateqarsimasut, aamma aningaasaliissutaasut allanngortinneqarnissaannut pisariaqartitsineq pillugu piffissaalluartillugu kommunalbestyrelsimut saqqummiussisoqartartoq, naatsorsuutillu naammattumik nassuiarneqartartut aningaasaliissutit aamma atukkat nikingassuteqartillugit.

Taamaattoq innersuussutigissavarput kommunimit suli aningaasaqarnermik aqutsineq ukkatarineqaqqullugu, aamma ukiup ingerlanerani isertitat aningaasartuutillu kontonut eqqortunut inissinneqartarneranik suliniarneq nanginneqaqqullugu.

## 5. Ingerlatsinermik kukkunersiuineq

### Ingerlatsinermik kukkunersiuinermi misilerarneqartarpoq ingerlatsivik aningaasaqarnermik eqqarsartaaseqarluni ingerlatsisimanersoq.

Pisortat Kukkunersiorneqartarnerannut lleqqussat (Standarderne for Offentlig Revision (SOR) naapertorlugit pinngitsoorani kukkunersiuinermik ingerlatsiffigineqartussat ukiut tallimat iluanni pilersaarut kaaviiartoq malillugu misissorneqartarput.

Aarlerinaatinik pingaaruteqarsorisatsinnillu naliliinerput tunngavigalugu pilersaarummik kaaviiartumik imaattumik suliaqarpugut.

| Pilersaarummi sammineqartut                                                             | Ingerlanneqareerput | 2021 | 2022 | 2023 | 2024 | 2025 |
|-----------------------------------------------------------------------------------------|---------------------|------|------|------|------|------|
| Sammisanik aamma nukissanik aqutsineq *                                                 | 2020                | (X)  | X    | (X)  | (X)  | (X)  |
| Anguniakkanik aamma angusanik aqutsineq *                                               | 2020                | (X)  | X    | (X)  | (X)  | (X)  |
| Pisiniartarnermik aqutsineq *                                                           | 2020                | X    | (X)  | (X)  | X    | X    |
| Missingersuutunik aqutsineq suliniutinut ukiuni arlalinni aningaasaliiffigineqartunik * | 2020                | (X)  | (X)  | (X)  | (X)  | (X)  |
| Pisortat tapiissutaasut aqqissuussanik aqutsineq *                                      | 2020                | (X)  | (X)  | (X)  | (X)  | (X)  |

\* SOR naapertorlugu sammisassatut pilersaarut. Iliuserineqartut itisilerneqarnerat ukiumit ukiumut nikerarput, tamanna (x) ilisarnaateqarpoq. Sammisat ilanngussatut toqqagaappat ungaluuteqarani (), pingaaruteqassusianik – aamma aarlerinaateqarneranik naliliineq tunngavigalugu suliaasaqarfik toqqarneqassaaq, tassani ataani iliuuserisat nakkutilliffigineqassapput.

### 5.1. Killiliussat

Ukiumoortumik naatsorsuutitut atasumik ingerlatsinermik kukkunersiuinermi pingaarnertut nakkutilliffigineqarput aqqissuussat ingerlatseriaatsillu pilersinneqarsimasut.

Sulianut taakkununga aamma/imaluunniit aningaasaqarnermik kukkunersiuinermut kiisalu inatsisit atuutsinneqarnerannut kukkunersiuinermut atasunik pissutsinik nalunaarutiginninnermut naapertuuttunik paasisaqaarutta, taanna nalunaarutiginninnermik suliaatsinnut ilanngunneqassaaq.

### 5.2. Nakkutilliinermik suliaasaqarfik

Nakkutilliinermik suliaasaqarfimmi qulakkeerneqassapput sipaarsinnaassuseqarneq, pilersitsisinaaneq aamma pitsaasumik ingerlatsineq, taakkununga ilaatigut ilaapput:

- Ingerlaavartumik naliliineq, nukissat ingerlatsivimmut atorineqartut akuleriillutik naapertuuttumik/pitsaassumik aamma akit eqqarsaatigalugit ingerlanneqarnerat
- Ingerlaavartumik naliliineqartarpoq, nukissat aamma sammisat (nukissat ikinnerit atorlugit sammisat assingusut suliarineqarsinnaasimanersut) pitsaanerpaamik ataqatigiissuseqarnersut

- Ingerlaavartumik nalilernerqartarpoq, suliniut pitsaanerpaajunersoq kissaatigisatut sunniutissat piviusunngortinnissaannut (nukissat ikinnerit atorlugit sammisat assingusut suliarineqarsinnaasimanersut)

### 5.3. Sammisani- aamma nukissani aqutsineq

#### Siunertaq

Siunertaavoq nalilissallugu, kommunisuleriaatsinik aamma nammineq nakkutilliinernik aqqissuussaasunik pilersitsisimanersoq, sammisanut- aamma nukissani aqutsinissamut atatumik piffissaq eqqorlugu aalajangiinernut aqutsisut naammattunik aamma uppersassusilinnik peqarnissaannut qulakkeerinissutaasunik.

#### Annertussusia

Kukkunersiuinerup pingaarnertut imarai qullersani aamma illoqarfinni pisortanik oqaloqateqartuarneq.

#### Paasisat

Sammisanik- aamma nukissani aqutsineq kommunimi killilimmik ingerlanneqarpoq.

### 5.4. Anguniakkanik aamma angusani aqutsineq

#### Siunertaq

Siunertaavoq nalilissallugu, kommuni suleriaatsinik aamma nammineq nakkutilliinernik aqqissuussaasunik pilersitsisimanersoq, kommunimi anguniakkanik Kommunalbestyrelsimi aalajangersarneqarsimasunik angusaqarnermut nalunaarusiornermik ingerlatsinissamut qulakkeerinissutaasunik, kiisalu periutsinik pilersitsisoqarsimanersoq angusani nalunaarutiginninnermik eqqortumik saqqummiussinissamut tapersersuutaasunik.

#### Annertussusia

Kukkunersiuinerup pingaarnertut imarai aqutsinermik- aamma ingerlatsivinni qullersani oqaloqateqartuarneq.

#### Paasisat

Kommunimi ilisimaarisatut anguniakkanik- aamma angusani aqutsinermut assersuutissat amerlanngitsut taamaallaat pigineqarput, soorlu ukiumi angusarineqartorpiaat uppersarneqarnissaannut paasisutissat killeqartorujussuit pigineqartut.

### 5.5. Pisiniarnermik aqutsineq

#### Siunertaq

Siunertaavoq nalilissallugu, kommunimi suleriaatsinik aamma nammineq nakkutilliinernik naapertuuttunik pilersitsisoqarsimanera, kommunimit pisiniartarnermik isumaqatigiissutinik nuisitsilluni atugaqarneranullu tunngasunik aamma taamaattumik akikilliliissutinik atorluaasinnaaneranut tunngasunik.

## **Annertussusia**

Nakkutilliinerup imarai suleriaatsit aaqqissuussat neqerooruteqartitsinermut il.il. tunngasut aamma sammisat ataani saqqummiunneqartut misissorneqarnerat. Nakkutilliinermi pineqanngillat neqeroorutaasut il.il. toqqakkat nalilerneqarnerat.

## **Paasisat**

Immikkoortumi 4.3 neqerooruteqartitsinermi malittarisassat aamma pisiniartarnermi politikkit pillugit sammisat innersuussutigaaavut.



## 6. Ingerlatsinermik kukkunersiuilluni misissuinerit angisuut

Misissuinerit anginerit Aningaasaqarnermut Inuussutissariormullu Ataatsimiititamit aallartinneqarsinnaapput.

Misissuinerit anginerit pilersaarusiorneqartarput misissuinerimi sammisassaq aalajangersimasoq aallaavigalugu, tassani aningaasatigut aamma inatsisitigut pissutsit ilanngunneqartarput.

2021/2022-mi kommunimi inissiaqarnermik suliassaqaqfirmik ingerlatsineq itisiliilluni kukkunersiuinermik ingerlatsiffigineqarpoq.

Ingerlatsinermik kukkunersiuinerup pissutsit isornaatillit arlallit ersersippai inatsisinik malittarisassanillu eqquutsitsinermut tunngasut soorluttaaq aningaasanik pitsaasumik ingerlatsineq, taassuma ataani pissutsit kommunimit namminermit qulaajarneqarsimasut.

Ingerlatsinermik kukkunersiuineq politikikkut isummerfigineqarpoq aamma pissutsit qulaajarneqartut pillugit ikiorsiissutissatut suliniutinik arlalinnik aallartitsisoqarpoq.

Taamaattumik nalilernerqarpoq pissutsit paasineqarsimasut pillugit kukkunersiuisutut oqaaseqaatinik saqqummiusseqqinnissamut pissutissaqanngitsaq.

Ingerlatsinermik kukkunersiuinermik ingerlatsineq pillugu nalunaarutiginninneq immikkut suliaq aamma pissutsit tassani qulaajarneqartut pillugit immikkoortoq innersuussutigineqarpoq.

2022-mi kukkunersiuinerimi inatsisinik malittarisassanillu eqquutitsinermik amigaataasinnaasutut paasisat pillugit kommunip suliamik ingerlatsinera malittarineqassaaq.

## 7. Immikkoortunik allanik kukkunersiuisutut suliat pillugit paasissutissiineq

Deloitte 2021-mi kommunip ingerlatsiviutaannit ataatsimeersuarnermit toqqakkatut kukkunersiuisutut tulluuttunut atuuppoq:

- Siorarsiorfik Nuuk City Development A/S
- Iserit A/S
- Nuup Busii A/S

## 8. Paasissutissat allat

**Uagut kiffaanngissuseqarnerput tunngaviusumik aalajangiisuvoq avatangii-sitsinnit kukkunersiuisutut arlaannut pituttorsimanngitsutut sulinita tatigineqarneranut. Taamaattumik tamanna illersugaraarput – inuttut aamma sulianut tunngasutigut.**

Uagut ingerlatseriaatsitta qularnaarpaa kukkunersiuisoqatigiit suliffeqarfimmi kukkunersiukkatsinni aqutsinermik sulisunut inuttut attaveqartuunnginnerput.

Uagut ingerlatseriaatsitta aamma qularnaarpaa kommuni kukkunersiugarput sinnerlugu sulianik ingerlatsineq ajortugut uagut kiffaanngissuseqartuunitsinnut assortuussinnaasunik, tassunga ilann-gullugu imminut kukkunersiornissamut aarlerinaatitaqarsinnaasunik imalinnik.

Immikkoortumi matumani suliffeqarfimmut suliassat ukiumi suliarisavut ilisimatitsissutigaaavut.

### 8.1. Uppernarsaanermik suliat

- Nuuk Nordisk Kulturfestival pillugu uppersnarsaanermik tunniussineq
- NEM-id pillugu uppersnarsaanermik tunniussineq

### 8.2. Suliat allat

- Genne Ineqarnermut sanaartornermillu suliassaqaqfinnik ingerlatsinermik itisiliilluni kukkunersi-uinermik suliaraqneq
- Siorarsiorfik A/S aamma Iserit A/S kattutsinneqarneranni ikiuunneq
- Attartornermik isumaqatigiissutitut tunngasunik atorunnaarsitsinissamut pilersaarutitik eqqarsaatersornerni naatsorsuinerni ikiuunnerit
- Apeqqutit assigiinngitsut pillugit siunersioqatigiinnerit siunnersuinerillu

## 9. Atsiornerit

Inatsisit naapertorlugit matumuuna uppersaatigissavarput inatsisini piumaqaataasutut kiffaann-gissuseqartuunerput, aamma kukkunersiuinerup ingerlanerani paasissutissat qinnutigisimasinnaasavut tamaasa pissarsiarigatsigik.

Nuuk, ulloq 22. september 2022

### **Deloitte**

Statsautoriseret Revisionspartnerselskab



Bo Colbe

statsautoriseret revisor



Per Timmermann

statsautoriseret revisor

**Om Deloitte**

Deloitte leverer ydelser inden for Revision, Skat, Consulting, Risk Management og Financial Advisory til både offentlige og private virksomheder i en lang række brancher. Vores globale netværk med medlemsfirmaer i mere end 150 lande sikrer, at vi kan stille stærke kompetencer til rådighed og yde service af højeste kvalitet, når vi skal hjælpe vores kunder med at løse deres mest komplekse forretningsmæssige udfordringer. Deloitte's ca. 330.000 medarbejdere arbejder målrettet efter at sætte den højeste standard.

**Deloitte Touche Tohmatsu Limited**

Deloitte er en betegnelse for Deloitte Touche Tohmatsu Limited, der er et britisk selskab med begrænset ansvar, og dets netværk af medlemsfirmaer. Hvert medlemsfirma udgør en separat og uafhængig juridisk enhed. Vi henviser til [www.deloitte.com/about](http://www.deloitte.com/about) for en udførlig beskrivelse af den juridiske struktur i Deloitte Touche Tohmatsu Limited og dets medlemsfirmaer.